

МЪЗГИНИЙА ЛЬ ГОРА МАРҚОС

Пешготъна институте

«Мъзгинийа^ф Иса^ф Мәсиһә^ф ль гора Марқос» жь нава һәр чар Мъзгинийада йа һәрә кьн э у бәри һәр се Мъзгинийа жи һатийә һьвисаре. Бь фькьра гәләк зана әв бәри сала һ'әфтейи (70-и пәй буйина Иса) һатийә һьвисаре, гава Оршәлим^ф ыеран бу.

Ль гора шә'дәтийа щьвина^ф сәдсалийа дөдада, Марқос хвәха әв Йуһ'әнна-Марқос э, дәрһәқа к'ижанида к'ьтеба К'аре Шандийада (12:12, 25; 13:4-5; 15:37-39) у өса жи чәнд нә'мед шандийада^ф бә'са ви дькьн (Колоси 4:10; Фьлимон 24; 2 Тимот'ейо 4:11). Әви гәләки р'евити т'әви Павлос у Барнабас^ф кьрийә, өса жи йәки гәләки незики Пәтрусе^ф Шанди бу (1 Пәтрус 5:13).

К'ьтеб серида дьбежә кө фькьра ые дәрһәқа Мъзгинийа Иса Мәсиһда йә (1:1). һатъна Иса Мәсиһ да к'ьфше, кө әв вәхте Хвәде к'ьфш кьрбу пер'а гьһиштийә, вәки хьлазбуне^ф бьдә мәрвьайе^ф (1:15). Марқос Иса тинә бәр ч'ә'ва, кө әв йәки хвәйиһ'өкөм э у һ'өкөме ви нава һинкьрьне, щьндәрхьстьне, өса жи гөнәбахшандьнеда к'ьфш э. һьнге Иса һеди-һеди хвә шагьртед^ф хвәва дьдә наскьрьне кө әв Мәсиһ э, ава готи К'ьфшкьрийе Хвәде йә. Ле Иса чьқаси хвә шагьртед хвәва дьдә наскьрьне, һақаси ль сәр мьрьн у р'абуна хвә хәбәр дьдә, йа кө ые Оршәлимеда бьқәвьмийа. Иса хвәр'а дьбежә «Көр'е^ф Инсан», йе кө һатә дьһийәе, вәки ә'мьре хвә бьдә кө мәрвь жь қәйдед гөнә^ф хьлаз бьн.

Мъзгинийа Марқос һе гэләки сәр кьред Иса дьсәкьнә, нә кӧ сәр һинкьрна ви. Бона Йуһ'әннайе^ф ньхӧмдар^ф, ӧса жи ньхӧмандьн^ф у щер'ьбандьна^ф Иса кьн һатийӧ ньвисаре. Паше царәкер'а дәрбази сәр шьхӧле вийи нәхвәшқәнщкьрне у һинкьрна ви дьбә. Чьқас дьчу шагьртед ви һе әв нас дькьрн, дьжмьнед ви жи һе к'ин вир'а дажотьн. Сәред хьлазийеда (11-а һ'эта 16-а) бона һ'әфтийа Исайӧ хьлазийе ньвисар ә, дәрһәқа хачбун^ф у р'абуна вийӧ жь мьрне.

Әва Мъзгинийа гэләки шә'дәтийа кьред Иса дьдә у тьһәрәки зәлал у кӧрт һатийӧ ньвисаре, әва Иса бәрч'ә'в тинә у дьдә к'ьфше, вәки һәр хвәндәванәк мина сәрсәд^ф бькарьбә бькә гази бежә: «Р'аст әв мәрвь Кӧр'е^ф Хвәде йә» (15:39).

Әва Мъзгинийа гэләки ль сәр щәфак'ьшандьна Иса дьсәкьнә, ӧса жи сәр щәфайед ван, йед кӧ we ль пәй ви һәр'ьн. Ль гора фькьра мәсиһийед^ф бәре, Марқос әва Мъзгинийа бажаре Р'омеда^ф ньвисийӧ. Жь ве йәке те к'ьфше, кӧ Марқос әв йәк һе бона бавәрмәндед Р'омайеда ньвисийӧ, чьмки бавәрмәндед ви чахи гәләк щәфа жь дәсте Нероне Қәйсәре^ф Императорийа Р'омайе дьдитьн, (һ'ӧкӧмәта ви жь сала 54-а һ'эта 68-а бу).

Сәрәщәма фькьра к'ьтебе

Дәстпебуна Мъзгинийе (1:1-13)

Даннасини у шьхӧлед Исайӧ Щәлиледа^ф (1:14-9:50)

Р'ийа Исайӧ жь Щәлиле һ'эта Оршәлиме (10:1-52)

Һ'әфтийа Исайӧ хьлазийе ль Оршәлиме у дор-бәрәд веда (11:1-15:47)

Р'абуна Иса жь мьрне (16:1-8)

Пэй р'абунер'а хойабун у жорһылатьна Иса (16:9-20)

Даннасинийа Йуһ'әннайе^Ф ньхөмдар^Ф

(Матта 3:1-12; Лука 3:1-18; Йуһ'әнна 1:19-28)

1 ¹ Мьзгинийа^Ф Иса^Ф Мәсиһе^Ф Көр'е^Ф Хвәде бь ви тьһәри дәстпебу: ² Чава кө к'ьтеба Ишайа^Ф П'ехәмбәрда^Ф һатийә ньвисаре:

«Ва йә эзе қасьеде хвә пешийа тәва бышиньм.

Әве бона тә р'е һазьр кә»*.

³ «Дәнгәк бәр'ийеда^Ф дькә гази:

«Р'ийа Хөдан^Ф һазьр бькьн

у шьвәр'ийед^Ф ви р'аст бькьн»*».

⁴ Ава Йуһ'әнна^Ф бәр'ийеда хөйа бу, щьмә'т дьньхөманд у даннасин дькьр, кө жь гөнәкьрьне вәгәр'ьн^Ф у бенә ньхөмандьне^Ф, вәки гөнед ван бенә бахшандьне.

⁵ Жь һ'әму вәлате Щьһустане^Ф у т'әмамийа щьмә'та Оршәлиме^Ф дьһатә щәм ви, гөнед хвә дьданә р'уйе хвә у ч'әме Урдөнеда бь дәсте ви дьньхөмин. ⁶ Йуһ'әнна к'ьнцәкә жь пьр'ч'а дәве ль хвә кьрьбу у ль пышта хвә жи қайишәкә ч'әрм гьредабу. Хварьна ви көли^Ф у һьнгьве холе бу. ⁷ Әви даннасин дькьр у дьгот: «Йәки жь мьн қәваттьр we бе. Әз нә һежа мә, кө та бьм у бәне чарьхе ви жи вәкьм. ⁸ Мьн һун бь аве ньхөмандьн, ле әве вә бь Р'өһ'е^Ф Пироз бьньхөминә».

* 1:2 Малахи 3:1.

* 1:3 Ишайа 40:3.

Иса те нъхӧмандын у щер'бандьне^Ф

(Матта 3:13-4:11; Лука 3:21-22; 4:1-13)

⁹ У ван р'ожада Иса жь бажаре Ньсрэта Щэлиле^Ф хат у бь дэсте Йуһ'энна ч'эме Урдӧнеда хатэ нъхӧмандьне. ¹⁰ Һэма чава Иса жь аве дэрк'эт, дит кӧ э'зман вӧбун у Р'ӧһ' мина кэвоткэке ль сэр ви дани. ¹¹ У дэнгэк жь э'змана хат кӧ дыгот: «Тӧ йи Кӧр'е мьни дӧлал, эз жь тӧ р'ази мӧ».

¹² We гаве Р'ӧһ' бӧре Иса да бӧр'ийе. ¹³ Эw чьл р'ожи^Ф ль бӧр'ийе ма у жь Мирещьн^Ф хатэ щер'бандьне^Ф. Эw т'эви р'э'вьра бу у мьлийак'эта^Ф жер'а бӧрдэсти кьрн.

Иса қэза Щэлиледа дӧст бь к'аре хвӧ дькӧ

(Матта 4:12-17; Лука 4:14-15)

¹⁴ Пӧй гьртна Йуһ'эннар'а Иса чу қэза Щэлиле у дӧст бь даннасинийа Мьзгинийа Хвӧде кьр ¹⁵ у дыгот: «Wӧхт пер'а гьһиштиӧ, П'адшатиӧ^Ф Хвӧде незик буйӧ, жь гӧнӧкьрне вӧгӧр'ьн у бавӧрийа^Ф хвӧ Мьзгинийе биньн!»

Иса гази Һӧр чар мӧ'сигьра дькӧ

(Матта 4:18-22; Лука 5:1-11)

¹⁶ Гава Иса ль дӧве гола Щэлиле дьгӧр'ийа, р'асти Шьмһ'ун^Ф у Ӑндравьсе бьре ви хат. Wана т'ор' давитӧ голе, чьмки мӧ'сигьр бун. ¹⁷ Иса готӧ ван: «Пӧй мьн вӧрн, эзе вӧ бькьмӧ неч'ирванед мӧрва^Ф». ¹⁸ Wана жи Һэма we дӧме т'ор'ед хвӧ Һьштн у пӧй ви чун. ¹⁹ Дӧма кӧ Иса жь ви щийи пешда чу, р'асти кӧр'ед Зӧбӧди, Ақуб^Ф у Йуһ'эннайе^Ф бьре ви хат. Wана қӧйькеда т'ор'ед хвӧ Һивез дькьрн. ²⁰ Һьнге Иса гази ван кьр, wана жи баве хвӧ Зӧбӧди т'эви п'ала қӧйькеда Һьшт у пӧй ви чун.

Иса р'öh'e^ф h'эрам^ф дәрдьхә

(Луқа 4:31-37)

²¹ Эw гъиштънә Кәфәрнаһуме. Иса we р'ожа^ф шәмиийе р'аст к'этә к'ъниште у дәст бь хинкъръне кър. ²² Эвана ль сәр хинкъръна wi зәндәгърти^ф мабун, чьмки әми мина йәки хwәйиһ'өкөм әw һин дькърън, нә кӧ мина қанунзана^ф. ²³ һьнге к'ъништа^ф ванда мәрвәк һәбу, кӧ р'öh'e^ф h'эрамва гърти бу. Wi кърә қир'ин у гот: ²⁴ «Тӧ чь жь мә дьхwази, йа Исайе Ньсрәте? Тӧ һатийи қыр'а мә бини? Эз заньм тӧ к'и йи. Тӧ Пирозе Хwәде йи!» ²⁵ Иса ле һьлат^ф у гот: «Кәр' бә у же дәрк'әвә!» ²⁶ һьнге р'öh'e h'эрам әw вәч'ър'ьканд у бь дәнгәки бьльнд кърә қир'ин у же дәрк'әт. ²⁷ H'әму зәндәгърти ман, һәвр'а к'әтънә пьрс-пьрсийара у дьготън: «Әв чь йәк ә? Чь хинкърънәкә ну йә! Бь һ'өкөм әw ә'мьри ль р'öh'eд h'эрам дькә у әw жи ельми^ф wi дьбьн». ²⁸ У нав у дәнге Иса пер'а-пер'а h'әму дор-бәрәд Щәлиле бәла бу.

Иса гәләк нәхwәша қәнщ дькә

(Мәтта 8:14-17; Луқа 4:38-41)

²⁹ Гава кӧ Иса жь к'ъниште дәрк'әт, т'әви Ақуб у Йуһ'әнна р'аст чунә мала Шьмһ'ун у Әндрәвьс. ³⁰ Хwәсийа Шьмһ'ун т'айеда п'алдайи бу. һьнге бона we Исар'а готън. ³¹ Иса жи чу незик, дәсте we гьрт р'акър у т'айе же бәр'да, р'абу бәрдәсти ванр'а кър. ³² Еваре, гава р'о чу ава, h'әму нәхwәш у йед щьнак'әти^ф анинә щәм wi. ³³ Т'әмамияа щьмә'та бажер ль бәр дери щьвийа. ³⁴ Иса гәләк мәрвәд бь нәхwәшийед щур'ә-щур'ә қәнщ кърън. Гәләк щьн^ф жи дәрхьстън у нәдъһьшт кӧ щьн хәбәр дьн, чьмки щьна заньбу кӧ әw к'и йә.

Иса Мъзгинийа Хвәде қәза Щәлиледи бәла дькә

³⁵ Қәрәбәрбанга сьбәһе р'абу, дәрк'әт чу щики хәвлә у вьр дөа кьр. ³⁶ Шьмһ'ун у йед т'әви ви ль Иса гәр'ийан ³⁷ у гава кө ван әв дит, готьне: «һ'әму ль тә дьгәр'ьн». ³⁸ Иса ванр'а гот: «Әм һәр'ьнә гөнд-бажаред незик, вәки әз ль ван дәра жи даннасин кьм, чьмки әз бона ве йәке һатьмә». ³⁹ У ль т'әмамия Щәлиле дьгәр'ийа, к'ьништед ванда даннасин дькьр у щьн дәрдьхьстьн.

Иса йәки жь к'отибуне^ф пақьж дькә

(Мәтта 8:1-4; Луқа 5:12-16)

⁴⁰ У йәки к'оти^ф һат, ль бәр Иса чок да, р'әща же кьр у готе: «һәгәр тө бьхвази, дькари мьн пақьж ки». ⁴¹ Гөне Иса пе һат, дәсте хвә дьреж кьр ле к'әт у готе: «Әз дьхвазьм. Пақьж бә!» ⁴² У пәй ве готьнер'а дәстхвәда к'отибун же чу у әв пақьж бу. ⁴³ Иса пер'а-пер'а әв дәрхьстә дәр, һ'ьшк т'әми ль ви кьр ⁴⁴ у вир'а гот: «Бьньһер'ә т'ө кәсир'а тыштәки нәбежи, ле һәр'ә хвә нишани к'аһин^ф кә у чава кө Муса^ф т'әми дайә, һ'әдийа^ф хвә бьдә, вәки һ'әмуйар'а бьбә ш'әдәти, кө тө пақьж буйи». ⁴⁵ Ле әв мәрвь дәрк'әт дәстпекьр ашкәрә гот у әва йәка бәла кьр, өса кө Иса иди нькарьбу ашкәрә бьчуйа бажарәки, ле жь бажер дәр ль щийед хәвлә дьма. У щьмәт жь һәр алийава дьһатьнә щәм ви.

Иса шьлушәтәки қәнц дькә у гөнед ви дьбахшинә

(Мәтта 9:1-8; Луқа 5:17-26)

2 ¹ Пәй чәнд р'ожар'а Иса вәгәр'ийа Кәфәрнаһуме. һьнге һатә бьһистьне, кө әв малда йә. ² Маледи һақас мәрвь щьвийан, һ'әта кө ль бәр дери жи щи-сьт'ар т'өнәбу. Иса

хэбэра Хwэде эw һин дькьрһн. ³ У мэрвв һатһн, жь нав ванда чар мэрвва шьлушэ'тэк һылдабун данинэ щэм Иса. ⁴ Ле жь дэст э'лалэте р'е нэдитһн кö незики Иса буна, вана бане ханийе кö Иса теда бу қөл кьр у мэрвве шьлушэ'т бэр'ева дахьстьнэ жере. ⁵ Гава кö Иса бавэрийа ван дит, готэ йе шьлушэ'т: «Лаво, гөнед тэ һатһнэ бахшандьне». ⁶ Жь қанунзана һнэк wьра р'уньшьтбун у дьле хwэда дьготһн: ⁷ «Эви һан чьма öса хэбэр дьдэ ван к'ьфьрийа дькэ? Пештьри Хwэде к'и дькарэ гöна быбахшинэ?»

⁸ Дэстхwэда р'öh'e Исава э'йан бу кö эвана аһа дьфькьрһн, эви гот: «Һун чьма тыштед аһа дьле хwэда дьфькьрһн? ⁹ К'ижан р'ьһ'эт э, шьлушэ'тр'а бежһн: «Гөнед тэ һатһнэ бахшандьне?» йан бежһне: «Р'абэ бэр'а хwэ һьлдэ у быгэр'э?» ¹⁰ Ле wэки һун бызаньбһн кö һ'öкөме Көр'е^Ф Инсан һэйэ ль сэр э'рде гöна быбахшинэ...» ¹¹ готэ йе шьлушэ'т: «Эз тэр'а дьбежһм, р'абэ бэр'а хwэ һьлдэ, һэр'э мала хwэ». ¹² Эw жи пер'а-пер'а ль бэр ч'эве һэр кэси р'абу, бэр'а хwэ һьлда, дэрк'эт у чу. һ'эму жи һ'эйири ман, шькьри данэ Хwэде у готһн: «Мэ тыштэки öса т'ö щар нэдитийэ!»

Иса гази Лeви^Ф дькэ

(Матта 9:9-13; Луқа 5:27-32)

¹³ Иса диса чу дэве голе. Т'эмамыйа э'лалэт дьһатэ щэм wi у эви жи эw һин дькьрһн. ¹⁴ Чахе Иса р'еда чу, Лeвийе^Ф көр'е һалфаво ль щийе хэрщһьлдане р'уньшти дит у готе: «Пэй мьн wэрэ». Эw жи р'абу пэй Иса чу. ¹⁵ Гава Иса мала Лeвида сэр сьфре бу, гэлэк хэрщгьр^Ф у гөнэк'ар^Ф т'эви wi у шагьртед^Ф wi ль сэр сьфре р'уньшьтбун, чьмки йед пэй wi дьчун гэлэк

бун. ¹⁶ Гава қанунзанед жь нава ферьсийа^Ф дитьн кӧ Иса т'эви хәрщгър у гӧнәк'ара ль сәр сьфре р'уньшти йә, жь шагъртед ви пьрсин: «Чьма әв т'эви хәрщгър у гӧнәк'ара дьхвә у вәдхвә?» ¹⁷ Чахе Иса бьхист, ванр'а гот: «Сахләм нә һ'әвще һ'әким ьн, ле нәхвәш. Әз нә һатьмә гази йед р'аст кьм, ле гази гӧнәк'ара».

Пьрса р'ожигъртне

(*Мәтта 9:14-17; Луқа 5:33-39*)

¹⁸ Щарәке шагъртед Йуһ'әнна у ферьсийа р'ожи дьгъртын. Чәнд мәрвь һатьнә щәм Иса у же пьрсин: «Чьма шагъртед Йуһ'әнна у йед ферьсийа р'ожийа дьгърьн, ле шагъртед тә р'ожи нагърьн?» ¹⁹ Иса готә ван: «Һ'әта зә'ва т'эви ван ә, гәло дьбә кӧ хвәндийед дә'вате р'ожи быгърьн? Һ'әта зә'ва т'эви ван ә, әв нькарьн р'ожи быгърьн!» ²⁰ Ле р'ож we бен, гава зә'ва жь ван бе һьлдане, һьнге we р'оже we р'ожи быгърьн. ²¹ Т'ө кәс пе п'арч'е ну к'ьнща кәвьн п'инә накә. Һәгәр өса бькә, п'арч'е к'ьнща кәвьнва дьрути we зоре ль к'ьнща кәвьн бькә у щийе қәльши we һе ль бәр һәвва һәр'ә.

²² У нә жи кәсәк шәрава ну дькә мәшкед кәвьн. Һәгәр өса бькә, шәрава ну we мәшка бьт'әқинә, һьн шәрәве онда бә, һьн жи мәшк. Ле шәрава ну дькьнә мәшкед ну».

Пьрса р'ожа шәмийе

(*Мәтта 12:1-8; Луқа 6:1-5*)

²³ Иса р'ожәкә шәмийе нава зәвийар'а дәрбаз дьбу у шагъртед ви р'ева дәстпекърьн сьмбьлед геньм чьнин. ²⁴ Ферьсийа Исар'а гот: «Бьньһер'ә! Чьма шагъртед тә р'ожа шәмийе тыште нәщайиз дькьн?» ²⁵ Иса ль ван вәгәр'анд у гот: «Wә қәт нәхвәндийә кӧ Дауьд^Ф жь

h'эwщэтийе чь кър, гава эw у йед пер'а бър'чи бун? ²⁶ Эw wэхте сэрэкк'аһин Эвйатарда к'этэ Хана^ф Хwэде у нане^ф Хwэдер'а дайи хвар, кӧ эw нан пештърн к'аһина нэ щайиз бу йэки дьн бьхwара. Сэрда жи эw нан да йед т'эви хwэ». ²⁷ Паше сэр готьна хwэда зедэ кър готэ ван: «Р'ожа шэмийе бона инсен һатэ данине, нэ кӧ инсан бона р'ожа шэмийе! ²⁸ Аwa готи Кӧр'е Инсан Хӧдане р'ожа шэмийе йэ жи».

**Иса р'ожа шэмийе мэръве кӧ
дэсте wi к'ьшийабу қэнц дькэ**

(Матта 12:9-14; Лука 6:6-11)

З¹ У Иса диса к'этэ к'ьниште. Ль we дэре мэръвэк һэбу, кӧ дэсте wi к'ьшийабу. ² У ч'э'ве һьнэка сэр wi бу, гэло р'ожа шэмийе эwe wi қэнц кэ йан на, wэки хэйба wi бькьн. ³ Иса мэръве дэстк'ьшийайир'а гот: «Р'абэ ве говэке бьсэкьнэ!» ⁴ Паше ванр'а гот: «Р'ожа шэмийе қэнщикьрьн щайиз э, йан хьрабикьрьн? Р'ӧһ'эки хьлаз^ф кьн, йан онда кьн?» Ле ван дэнг нэкр. ⁵ Иса бь һерс ль дора хwэ ньһер'и, бона сэрһ'ьшкия ван бэр хwэ к'эт у wi мэръвир'а гот: «Дэсте хwэ дьреж кэ». Эwi жи дьреж кър у дэсте wi қэнц бу. ⁶ Ферьси дэрк'этьнэ дэрва у пер'а-пер'а т'эви һеродэсийа^ф шешьрин, кӧ чаwa wi бьдьнэ кӧштьне.

Щьвата ль дэве голе

⁷ Иса т'эви шагъртед хwэ чу дэве голе. Жь Щэлиле э'лалэтэкэ гьран пэй wi чу. ⁸ Гава кӧ wана кьрьнед wi бьһистьн, жь Щьһустане, Оршэлиме, Идумэйайе, wi алийе Урдӧнейи р'оһьлате, ӧса жи жь қэза Сур у Сайде гэлэк мэръв һатьнэ щэм wi. ⁹ У Иса жь дэст э'лалэте шагъртед хwэр'а гот, кӧ wir'а қэйькэке һазьр кьн, wэки

нэк'эвэ ль бэр дэ'фа. ¹⁰ Чъмки Иса гэлэк мэрвв қәнш кърн, өса кө йед нэхwэш т'опи сэр дьбун, wәки дәсте хwэ бьдана wi. ¹¹ Дәма кө р'өһ'ед һ'эрам әw дьдйтн, ль бэр wi дэwэр'уйа хwэ давитнә ә'рде, дькърнә қир'ин у дьготн: «Тө Көр'е Хwәде йи!» ¹² Ле Иса һ'ышк т'әми ль ван дькър, кө бона wi нәкьнә дәнги.

Бьжартына һәр донздәһа

(Мәтта 10:1-4; Луқа 6:12-16)

¹³ Иса һьлк'ышыйа ч'ийе у мэрввед кө wi дьхwэстын гази щәм хwэ кърн. Әw жи чунә щәм wi. ¹⁴ Әwi донздәһ мэрвв бьжартн, навед ван «шанди^ф» дани, кө т'әви wi бьминьн у ван бьшинә, wәки даннасин кьн. ¹⁵ У һ'өкөм да ван кө щьна дәрхьн. ¹⁶ һәр донздәһед бьжарти әв ын: Шьмһ'ун (кө наве wi кьрә Пәтрус^ф), ¹⁷ Ақубе^ф Зэбәди у Йуһ'әннайе бьре wi, (әwi наве Боанәрщәс ль ван кър, кө те фә'мкърне: «Көр'ед Гөр'инийа Әзмен») ¹⁸ Әндрауьс, Филипо, Бәртоломәйо, Мәтта, Т'ума, Ақубе^ф көр'е һалфawо, Тәдайо, Шьмһ'уне wәлатп'арьст^ф ¹⁹ у Щьһудайе^ф Исхәрйоти йе кө бу нәмаме Иса.

Иса у Бәлзәбул^ф

(Мәтта 12:22-32; Луқа 11:14-23; 12:10)

²⁰ Паше Иса чу маләке. Диса һақас ә'лаләт щьвийа, һ'әта кө нькарьбун нане хwэ жи бьхwарана. ²¹ Гава йед жь хун у қьнета wi бьһистн, дәрк'әтн wi бьгърн, чъмки wана дьгот: «Әwi һ'ыше хwэ өнда кьрийә!» ²² У әw қанунзанед кө жь Оршәлиме бәржер бьбун, дьготн: «Бәлзәбул^ф wiда һәйә! Әw бь һ'өкөме сәрwере щьна щьна дәрдьхә!» ²³ Иса жи әw гази щәм хwэ кърн у бь мәсәла wanp'а гот: «Мирещьн чава дькарә хwәха хwә дәрхә? ²⁴ һәгәр нав

П'адшатикеда т'ьфақ^ф т'өнэбэ, эw нькарэ бьминэ. ²⁵ Мала кӧ бет'ьфақи бьк'эве, эw мал нькарэ бьминэ. ²⁶ Һэгэр Мирещьн р'абэ һьмбэри хwэ у бьбэ дӧтирэти, эw нькарэ бьминэ у we хьлазийа wi бе. ²⁷ Ле бэле т'ӧ кэс нькарэ бьк'эвэ мала мерхасэки у һэбука^ф wi т'алан кэ, Һэгэр пешийе wi мерхаси гьренэдэ. Гава гьреда, һьнге we бькарьбэ мала wi т'алан кэ.

²⁸ Эз р'аст wэр'а дьбежьм, һэр гӧнэ у чь к'ьфьрийе кӧ бькьн we ль бэндед дьне бенэ бахшандьне, ²⁹ ле к'и кӧ к'ьфьрийа Р'ӧһ'е Пироз бькэ, т'ӧ щар ль wi найе бахшандьне. Эwe бь wi гӧнэйи һ'эта-һ'этайе суцдар бэ». ³⁰ Иса эв йэк гот, чьмки wан дьгот: «Р'ӧһ'е һ'эрам wiда һэйэ».

Де у бьрайед Иса

(Матта 12:46-50; Лука 8:19-21)

³¹ Һьнге де у бьрайед Иса һатьн, ль дэрва сэкьнин, йэк шандьнэ пэй wi у газии wi кьрьн. ³² Э'лалэта кӧ ль дора wi р'унышьту готэ wi: «Дийа тэ у бьрайед тэ дэрва пьрса тэ дькьн». ³³ Иса щаба wан да у гот: «Дийа мьн у бьрайед мьн к'и нэ?» ³⁴ Һьнге ль йед дора хwэ р'унышти ньһер'и у гот: «Эв ьн, де у бьрайед мьн! ³⁵ Һэр кэсе кӧ хwэстьна Хwэде бинэ сери^ф, эw э бьре мьн, хушка мьн у дийа мьн».

Мэсэла т'охьмр'эш^ф

(Матта 13:1-9; Лука 8:4-8)

4 ¹ Иса диса ль дэве голе дэст бь һинкьрьне кьр. Э'лалэтэкэ ӧса мэзын ль дора wi щьвийа, к'эрба эw к'этэ қайька ль сэр голе у р'унышт. Т'эмамия э'лалэте ль дэве голе бу ² у wi бь мэсэла эw һини гэлэк тышта дькьрьн. Һинкьрьна хwэда дьгот: ³ «Гӧһдари! Т'охьмр'эш^ф

р'абу чу кӧ т'охъм бър'эшинэ. ⁴ Чахе эви т'охъме хвэ дър'эшанд, һнэк же к'этьнэ дэве р'е, тэйрэдэ һатън у эв хварьн. ⁵ У һнэк к'этьнэ сэр э'рде кэвъри, ль вьр кӧ хвэли кем бу. Эв зу шин бун, чъмки тэлаше хвэлийе нэ к'ур бу. ⁶ Чахе тэ'в дэрк'эт, эв шэвътин у чъмки р'авед^ф ван т'ӧнэбун, һ'ышк бун. ⁷ У һнэкед дьн к'этьнэ нава стьрийа, стьри р'абун эв хэньқандьн у бэр нэдан. ⁸ У һнэкед дьн жи к'этьнэ нава э'рде қэңц у шин бун, мэзын бун у һнэка си, һнэка шест, һнэка сэд щар бэр дан».

⁹ У Иса ванр'а гот: «Гӧһе к'ейи бьһистъне һэйэ бьра бьбьһе».

Иса чьма бь мэсэла хэбэр дьдэ

(Матта 13:10-17; Лука 8:9-10)

¹⁰ Гава Иса т'эне ма, һэр донздэһа т'эви йед дора ви гьртъбун, бона ван мэсэла же пьрсин. ¹¹ Эви щаба ван да у гот: «Вэр'а һатийэ дайине кӧ һун сӧр'ед П'адшатийа Хвэде бьзаньбьн, ле бона ван, йед кӧ дэрва нэ, һэр тышт бь мэсэла те готъне, ¹² вэки:

«Чьқаси бьньһер'ьн жи, нэбиньн,
чьқаси бьбьһен жи, фэ'м нэкьн,
вэки нэбэ кӧ вэгэр'ьн^ф у ль ван бе афукьрьне^{ф,*}».

Шьровэкьрьна мэсэла т'охьмр'эш

(Матта 13:18-23; Лука 8:11-15)

¹³ һынге Иса ванр'а гот: «Һун ве мэсэла фэ'м накьн? Ле иди һуне һ'эму мэсэла чава фэ'м бькьн? ¹⁴ Т'охьмр'эш хэбэре дър'эшинэ. ¹⁵ Эвед ль дэве р'е кӧ хэбэр ле те чандъне, эв ьн, кӧ гава дьбьһен, пер'а-пер'а Мирещьн те

* 4:12 Ишайа 6:9-10.

у хэбэра дьле^ф ванда чанди дэрдьхэ. ¹⁶ Эвед ль сэр э'рде кэври эв ын, кө гава хэбэре дьбьһен, эв зу бь эшq у ша we қэбул дькьн, ¹⁷ ле чьмки р'авед ван т'өнэнэ, эв дьреж т'ав накьн. У гава бона хэбэре р'асти тэнгасийа^ф йан зерандьне тен, зу жь р'е дьк'эвьн. ¹⁸ У эвед нава стьрийада һатьнэ чандьне эв ын, кө хэбэре дьбьһен, ¹⁹ хэмед ве дьнйаие, дэрэвед дэвлэтийе у хвэстьна тыштед дьн дьк'эвьнэ наве у хэбэре дьхэньқиньн, эв бе бэр дьминьн. ²⁰ У эвед э'рде қэнцда һатьнэ чандьне эв ын, кө хэбэре дьбьһен, қэбул дькьн, һьнэк си, һьнэк шест у һьнэк жи сэд щар бэр дьдьн».

Чъра сэр п'ечъре^ф

(Луқа 8:16-18)

²¹ У Иса ванр'а гот: «Гава чъре тиньнэ һьндөр', бона чь тиньн? Бона бьн сэльке тиньн, йан бона бьн ньвине? Нэ бона данина сэр п'ечъре^ф тиньн? ²² Т'ө тыште вэшарти т'өнэйэ кө нэйе ашкэрэкьрыне у нэ жи тыштэки дьзива һэйэ кө нэк'эвэ бэр р'онаие. ²³ Гөһе к'ейи бьһистьне һэйэ бьра бьбьһе».

²⁴ Иса ванр'а гот: «Дина хвэ бьдьнэ тыштед кө һун дьбьһен. һун бь чь чапе бьпивьн, бь we пиване жи we wэр'а бе пиване у сэрда жи we һе зедэ бэ. ²⁵ Чьмки к'ер'а кө һэйэ, we һе ле зедэ бэ у к'ер'а кө т'өнэ, чь һэйэ жи we же бе стандьне».

Падшатийа Хвэде

²⁶ У Иса гот: «Падшатийа Хвэде мина ве йэке йэ: Мэрвьэк т'охьм дьр'эшинэ нав э'рде. ²⁷ У р'адьзе, р'адьбэ. Шэв у р'ож т'охьм шин дьбэ, бьльнд дьбэ у хвэха пе һаһ'эсэ кө эв чава дьбэ. ²⁸ Э'рд жь хвэ бэр дьдэ, пешийе

зил, паше сьмбыл, пэйр'а жи гэньме гьһишти сьмбылда.
²⁹ Гава кө бэр дьгьһижэ, мэрвь иди дэ'се давеже, чьмки
дэма нандьруне^ф пер'а гьһиштиё».

Мэсэла һ'эба т'охьме хэрдале^ф

(Матта 13:31-32; Лука 13:18-19)

³⁰ У Иса гот: «Эм П'адшати́а Хвэде мина чь
бышьбиньн? Йан жи эм we бы к'ижан мэсэле шьровэкьн?
³¹ Эw мина һ'эбэкэ т'охьме хэрдале йэ кө жь һ'эму
т'охьмед кө сэр эрде тенэ чандьне һуртьр э. ³² Ле гава
эw те чандьне дьгьһижэ, жь һ'эму п'ынцар'а мэстьр дьбэ
у ч'ьрълед мэзын дьдэ, өса кө тэйрэдед э'змен дькарьн
хвэ бьдьнэ бьн сийа we».

Иса бы мэсэла хэбэр дьдэ

(Матта 13:34-35)

³³ Бы гэлэк мэсэлед бы ви авайи ванр'а һақас хэбэр
дьда, чьқас кө вана дькарьбу фэ'м бькьра. ³⁴ Бе мэсэла
ванр'а тыштэк нэдыгот, ле шагьртед хвэр'а башқэ һэр
тышт шьровэдькьр.

Иса фьртоне^ф дьсэқьр'инэ

(Матта 8:23-27; Лука 8:22-25)

³⁵ We р'оже, гава р'о чу ава, Иса шагьртед хвэр'а гот:
«Эм дэрбази ви бэри голе бьн». ³⁶ Шагьрт жь э'лалэте
қэтийан, к'этьнэ we қэйька кө Иса теда бу у вана эw
т'эви хвэ бьр. Қэйькед дьн жи т'эви ви бун. ³⁷ Дэ ижар
фьртонэкэ^ф мэзын ль ван р'абу, пела өса ль қэйьке
дьхьст, кө иди эw бу бы аве т'ьжи бьбу́йа. ³⁸ Ле Иса пашийа
қэйькеда сэре хвэ данибу сэр бэ'лги у р'азабу. Вана эw
һ'ышйар кьр у готьне: «Дэрсдар^ф, нэ хэма тэйэ кө эм

онда дьбьн?» ³⁹ Иса р'абу, ль байе һьлат у э'мьри сэр голе кър гот: «Бьсэкьнэ, кэр' бэ!» Фьртоне дани у һ'эму тышт сэдр'ин. ⁴⁰ Иса ванр'а гот: «Һун чьма дьтьрсьн? һе чава бавэрийа вэ т'өнэ?» ⁴¹ Сауэкэ гьран ль вана гьрт у һэвдөр'а готьн: «Гэло эв к'и йэ, кө ба у гол жи ельми^Ф ви дьбьн?»

Иса йэки щьнак'эти қэнщ дькэ

(Матта 8:28-34; Лука 8:26-39)

5 ¹ Эвана дэрбази ви бэри гола Щэлиле бун у гьһиштьнэ т'опраход Гьрасине. ² Гава кө Иса жь қэйьке дэрк'эт, һынге жь нав гор'ьстана мэрвьэк р'асти ви һат, кө р'өһ'е һ'эрам пер'а бу. ³ Эу нав гор'ьстанада дьма у т'ө кэси иди нькарьбу бь зьнцира жи эу гьреда. ⁴ Чьмки гэлэк щара эу бь қэйд у зьнцира гьредабун, ле ви зьнцир қэтандьбун у қэйд шкенандьбун. Т'ө кэси нькарьбу эу зэфт бькьра. ⁵ Т'ьме шэв у р'ож гор'ьстанада у сэре ч'ийа дькьрэ қир'ин, пе кэвьра хуэ бьриндар дькьр. ⁶ Гава эви дурва Иса дит, бэзи, хуэ авитэ бэр ньга ⁷ у бь дэнгэки бьльнд кьрэ қир'ин у готе: «Тө чь жь мьн дьхуази, Исайе Көр'е Хуэдейе һэри Жорьн? Тө хатьре Хуэде ки, мьн нэдэ щөфе!» ⁸ Эви эв йэк дьгот, чьмки Иса дьготе: «Һэй р'өһ'е һ'эрам! Жь ви мэрвьви дэрк'эвэ!» ⁹ Иса же пьрси у гот: «Наве тэ чь йэ?» Эви жи гот: «Наве мьн К'омэшкэр э, чьмки эм гэлэк ьн». ¹⁰ У гэлэки р'эща жь Иса дькьр, кө ван жь we т'опрахе дэрнэхэ. ¹¹ Вьр ль синге ч'ийе сурики бэразайи мэзьн дьч'ерийа. ¹² Р'өһ'ед һ'эрам р'эща жь Иса кьрьн у готьн: «Мэ бьшинэ нава бэраза, эм бьк'эвьнэ нава ван». ¹³ Эви жи изьн да ван, р'өһ'ед һ'эрам дэрк'этын у к'этынэ нава бэраза. Эу сури незики дө һ'эзар бэраза бу, эу жорда р'эви, хуэ жь кэнделда

авитьнэ голе у хэньқин. ¹⁴ Бэразван р'эвин чунэ бажар у гонда, эв йэк гъли кърн. У бьнэли^ф хатън кô тыштед буйи бьбиньн. ¹⁵ У хатънэ щэм Иса, дина хвэ дане, we эw мэръве щьнак'этийи кô к'омэшкэрэкэ щьна пер'а бу, к'ынще wi ле, сэр h'ше хвэда хати р'уньшти йэ. хьнге эw търсийан. ¹⁶ Эвед кô эв йэк дитьбун щьмэ'тер'а гъли кърн, кô чь хатэ сэре wi щьнак'эти у бэраза. ¹⁷ хьнге вана р'эща жь Иса кър, кô эw жь т'опраха ван хэр'э.

¹⁸ Гава Иса к'этэ қэйьке, эwi кô щьнак'эти бу, р'эща же кър, кô т'эви wi хэр'э. ¹⁹ Ле Иса нэһышт у жер'а гот: «Вэгэр'э мала хвэ у нэфаред мала хвэр'а бежэ, кô Хôдан бона тэ чь кър у чава ль тэ хатэ р'э'ме». ²⁰ Эw жи чу у дэстпекър чь кô Иса бона wi кърьбу қэза Декаполиседа* бэла кър у хэр кэс э'щербмайи дьма.

Қизька мьри у к'ôлфэтэкэ^ф нэхwэш

(*Матта 9:18-26; Лука 8:40-56*)

²¹ Гава Иса диса бь қэйьке дэрбази wi бэре дьн бу, э'лалэтэкэ гьран ль дора wi щьвийа. Гава эw ль дэве голе бу, ²² йэки жь сэрверед к'ьниште кô наве wi Йайиро бу хатэ щэм wi, гава wi Иса дит, хвэ авитэ ньгед wi, ²³ гэлэк р'эща же кър у гот: «Қизька мьн ль бэр мьрьне йэ. Wэрэ у дэстед хвэ дайнэ сэр we, кô қэнщ бэ у бьжи». ²⁴ Иса р'абу т'эви wi чу.

Э'лалэтэкэ гьран пэй wi дьчу у тэнгаси дьданэ wi. ²⁵ Wър к'ôлфэтэкэ^ф жи хэбу, кô донздэh сале we бун, сэр хуне вэбьбу. ²⁶ Эwe гэлэки дэсте h'экимада к'ьшандьбу у h'эму хэбука хвэ хэрщ кърьбу, ле т'ô ч'арэ ле нэбьбу

* 5:20 «Декаполис» бь зьмане йунани те ф'эмкърьне: «Дэһэ Бажар», чьмки эва қэза бэреда бь йэктийа дэһэ бажара хатийэ чекърн.

у сәрда һе хьраб бьбу. ²⁷ Әве дәрһәқа Исада бьһист, пыштева һатә нава ә'лаләте у ль к'ьнще ви к'әт. ²⁸ Чьмки әве дьле хвәда дьгот: «Һәгәр әз т'әне к'ьнще ви жи к'әвьм, әзе қәнщ бьм». ²⁹ У пер'а-пер'а хун же ч'ькийа у т'әхмин кьр, кө жь еша хвә қәнщ бу. ³⁰ Иса дәстхвәда пе һ'әсийа кө қәватәк же чу, нав ә'лаләтеда зьвьр'и у пьрси: «К'е ль к'ьнщед мьн к'әт?» ³¹ Шагьртед ви готьн: «Тө дьбини кө ә'лаләт тәнгасийе дьдә тә, ле тө дьбежи: «К'е ль мьн к'әт?»» ³² Ле Иса дор-бәре хвә дьньһер'и кө бьбинә, к'е әв йәк кьр. ³³ һьнге к'өлфәт ль хвә һ'әсийа кө чь ль we қәвьми, бь тьрсе у ләрьзәке һат хвә авитә бәр ви у һәр тьшт р'аст гот. ³⁴ Иса wer'а гот: «Ә'вде! Бавәрийа тә тө қәнщ кьри. Бь хер у сыламәт һәр'ә у жь еша хвә қәнщ бә».

³⁵ Иса һе хәбәр дьда, жь мала сәрwere к'ьниште мәрвь һатьн у готьн: «Қиза тә мьр, иди зә'мәте нәдә дәрсар». ³⁶ Ле Иса гөһ нәда готьна ван, ви сәрәке к'ьништер'а гот: «Нәтьрсә, т'әне бавәр бькә!» ³⁷ Әви нәһьшт кө кәс пәй ви һәр'ә, пештьри Пәтрус, Ақуб у Йүһ'әннайе бьре ви. ³⁸ Чахе гьһиштьнә мала сәрәке к'ьниште, Иса дит we һевәрза ван ә, дьгьрин у дькьнә қар'ә-қар'. ³⁹ Гава әв к'әтә һьндөр', ванр'а гот: «Чьма һун дькьн қалмә-қалм у дьгьрин? Зар' нәмьрийә, ле һеньжийә». ⁴⁰ Вана қәрфе хвә пе дькьр.

Ле Иса һ'әму дәрхьстьнә дәрва, де у баве қизьке т'әви һәр се шагьртед хвә һьлдан у к'әтә щийе кө қизьк ле бу. ⁴¹ Дәсте қизьке гьрт у готә we: «Талита қум!» кө те ф'әмкьрьне: «Қизьк, әз тәр'а дьбежьм, р'абә!» ⁴² Қизьк пер'а-пер'а р'абу у гәр'ийа. Әв донздәһ сали бу. Әвед кө дитьн һ'ьше сәре ван чу. ⁴³ Иса һ'ьшк т'әми ль ван кьр, кө

ве йәке кәсир'а нәбежын у ванр'а гот, кӧ хварыне бьднә ве.

Бажаре Ньсрәте, ль к'ӧ Иса мэзын бьбу, ви қәбул накә

(Мәтта 13:53-58; Луқа 4:16-30)

Б¹ Иса жь вьра дәрк'әт у чу щи-мьск'әне хвә. Шагьртед ви жи пәй ви чун. ² Чахе р'ожа шәмийе һат, ви к'ьништеда дәст бь һинкьрыне кьр у гәләка кӧ бьһист зәндәгьрти мабун у дьготын: «Әви мәрвыи әв тышт жь к'ӧ анинә? Әв чь сәрвахти^ф йә кӧ жер'а һатийә дайине? У әв чь к'әрәмәт ын кӧ бь дәсте ви дьқәвьмьн? ³ Нә әв нәшар ә? Нә әв кӧр'е Мәрийәме^ф у бьре Ақуб^ф, Йусес, Щьһуда^ф у Шьмһ'ун ә? Нә хушкед ви ль вьр нав мәда нә?» Бь ви авайи әв жь ви чун.

⁴ Иса ванр'а гот: «П'ехәмбәр т'ӧ щийи нә бекәдър ә, пештьри нава щи-мьск'әне хвә, мәрвьед хвә у мала хвәда». ⁵ Әви ль ве дәре нькарьбу т'ӧ к'әрәмәт бькьра, т'әне дәсте хвә дани сәр чәнд нәхвәша у әв қәнщ кьрын. ⁶ Әв сәр нәбавьрийа ван ә'щербмайи ма.

Шандьна һәр донздәһа

(Мәтта 10:5-15; Луқа 9:1-6)

Иса ль гӧндед дор-бәра дьгәр'ийа у һин дькьр. ⁷ Ви һәр донздәһ гази щәм хвә кьрын, дәстпекьр әв щот-щот шандьн у һ'ӧкӧме ль сәр р'ӧһ'ед һ'әрамр'а да ван. ⁸ Т'әми да ван у гот: «Бона р'е, пештьри шьвдара дәсте хвә т'ӧ тышти хвәр'а һьлнәдын: Нә нан, нә турьк у нә жи п'әра бәр пышта хвәда. ⁹ Чарьхед хвә бькьнә п'ийе хвә, ле дӧ дәст кьрас хвәр'а һьлнәдын». ¹⁰ Сәрда зедә кьр готә ван: «Әв мала кӧ һун бьк'әвьне, ве маледа жи бьминьн, һ'әта һун жь ви щийи дәрк'әвьн. ¹¹ Әв щийед кӧ вә қәбул нәкьн у

гöһдарийа готъна вә нәкьн, гава һун жь вьр дәрән, т'оза ньгед хвә давшиньн, вәки ванар'а бьбә шә'дәти».

¹² Әв жи р'е к'әтн чун у даннасин дькьрн кö мәрвь жь гөнәкьрьне вәгәр'н. ¹³ Вана гәләк щьн дәрдьхьстн у р'ун^ф ль гәләк нәхвәша дьдан у әв қәнщ дькьрн.

Кöштъна Йүһ'әннайе ньхөмдар^ф

(Мәтта 14:1-12; Луқа 9:7-9)

¹⁴ һеродәс п'адша әв йәк бьһист, чьмки нав у дәнге Иса дәрк'әтбу. һнәка дьгот: «Әва Йүһ'әннайе ньхөмдар^ф ә жь нав мьрийа р'абуйә. Ләма жи пе ви к'әрәмәт тенә кьрьне». ¹⁵ Ле һнәка жи дьгот: «Әва Елийас^ф ә». һнәкед дьн жи дьготн: «Әва п'ехәмбәрәки мина п'ехәмбәрәд бәре йә». ¹⁶ Ле гава һеродәс әв йәк бьһист, гот: «Әва әв Йүһ'әнна йә, йе кö мьн сәре ви лехьстийә, жь нав мьрийа р'абуйә!» ¹⁷⁻¹⁸ Чьмки һеродәс һеродийа жьна Филипойе бьре хвә стандьбу, ле Йүһ'әнна жер'а готьбу: «Нә р'аст ә кö тö жьна бьре хвә бьстини». һеродәс жи к'әрби һеродийайе Йүһ'әнна дабу гьртъне, гьредабу у авитьбу кәле. ¹⁹ Ләма һеродийайе к'ин Йүһ'әннар'а дажот, дьхвәст ви бьдә кöштъне, ле нькарьбу, ²⁰ чьмки һеродәс жь Йүһ'әнна вәдьк'ьшийа у әв хвәй дькьр. Әви заньбу кö Йүһ'әнна мәрвьәки р'аст у бөһөрти йә. Гава кö гөһдарийа готъна ви дькьр, сәре ви т'әвиһәв дьбу*, ле диса бь һ'әвас гөһ дьда готъна ви. ²¹ Ава шарәке мәщал вәбу. һеродәс бона р'ожа буйина хвә, әсьлзада, сәрһ'әзаред^ф әскәра у гьрәгьред Щәлилер'а мәсрәф дани. ²² Гава қиза һеродийайе к'әтә һндөр' у р'әрсьси, әв йәк

* 6:20 Нав дәстньвисаред һнәкада дәвса «сәре ви т'әвиһәв дьбу» аһа йә: «Ви гәләк тышт дькьр».

ль дьле һеродэс у т'эглифкьрийед ль сэр сьфре р'унышти хвэш һат. һынге п'адше готэ қизьке: «Тө жь мьн чь бьхвази, эзе бьдьмэ тэ». ²³ У ви жер'а сонд хвар гот: «Тө жь мьн чь бьхвази, эзе бьдьмэ тэ, һ'эта ниве п'адшати́я хвэ жи!» ²⁴ Қизьк дэрк'этэ дэрва у чу жь дийа хвэ пьрси: «Эз чь бьхвазьм?» Дийа we жи гот: «Сэре Йуһ'әннайе ньхөмдар». ²⁵ Қизьке лэзанд чу щэм п'адше у хвэстьна хвэ жер'а гот: «Эз дьхвазьм кө тө ньһа сэре Йуһ'әннайе ньхөмдар ль сэр сьнийе бьди мьн». ²⁶ П'адша гэлэки бэр хвэ к'эт, ле чьмки ль бэр т'эглифкьрийа сонд хварьбу, нэхвэст созе хвэ бэтал кьра. ²⁷ П'адше пер'а-пер'а э'мьри сэр щэлат кьр, кө һэр'э сэре Йуһ'әнна бинэ. Щэлат жи чу кэледа, сэре ви лехьст ²⁸ у ль сэр сьнийе ани у да кэч'ьке. Эwe жи эw һьлда бьр да дийа хвэ. ²⁹ Гава шагьртед Йуһ'әнна эв йэк бьһистьн, һатьн щьнийазе ви бьрын кьрынэ т'ьрбе.

Иса пенц һ'эзара т'ер дькэ

(Матта 14:13-21; Луца 9:10-17; Йуһ'әнна 6:1-14)

³⁰ У шанди^ф вэгэр'ийанэ щэм Иса, һ'эму тыштед кө кьрьбун у һин кьрьбун жер'а готьн. ³¹ Иса ванр'а гот: «Дэ вэрьн эм т'эне һэр'ьнэ щики хэвлэ у һьнэки р'ьһ'эт бьн». Чьмки гэлэк дьһатьн у дьчун, вана мәщал нэдьдит кө нане хвэ жи бьхварана. ³² У эw т'эне бь қэйьке чунэ щики хэвлэ. ³³ Ле гэлэка кө чуйина ван дит, эw нас кьрын, жь һ'эму бажара пэ́йа бэзин у бэри ван гьһиштьнэ ви щийи. ³⁴ Чахе Иса жь қэйьке дэрк'эт у ви э'лалэтэкэ гьран дит, һынге гөне ви ль ван һат, чьмки эw мина пэзед бе шьван бун. Дэстпекьр гэлэк тышт эw һин кьрын. ³⁵ Иди чьмки дэрэнг бу, шагьртед Иса һатьн у готьне: «Эв дэр щики хьки-хвэли йэ, вэхт жи иди дэрэнг э. ³⁶ Бьһелэ кө эw

һәр'һнә гөнд у бәрҗед дәр-дора у хвәр'а тыштед хварьне бьк'ър'һн». ³⁷ Ле Иса ль ван вәгәр'анд у гот: «һун хөрәк бьдһнә ван!» Жер'а готһн: «Әм һәр'һн вәкә баһе дөсьд зиви^ф нан бьк'ър'һн у ван бьдһнә хварьне?»

³⁸ Иса ванр'а гот: «һәр'һн бьһһер'һн, к'а чәнд нанед вә һәнә». Гава кө пе һ'әсийан, готһн: «Пенщ нан у дө мә'си һәнә». ³⁹ Ви ә'мьр кьр кө һ'әму жи к'ом-к'ом ль сәр гиһайе шин р'унен. ⁴⁰ Әв жи к'ом-к'ом, сәд-сәд, пенци-пенци ль ә'рде р'уһһштһн.

⁴¹ Иса һәр пенщ нан у һәр дө мә'си һьлдан, бәре хвә ә'зменда кьр шыкьри да, әв нан кәркьрһн у да шагьртед хвә, вәки әв даһһнә бәр ә'лаләте. У һәр дө мә'си жи ль һ'әмуһа бәла кьр. ⁴² һ'әмуһа хвар у т'ер бун. ⁴³ Жь ван нан у мә'сийа донздәһ сәләйед т'ьжи һурьк бәрәв кьрһн. ⁴⁴ Йед кө жь ви нани хварһн вәкә пенщ һ'әзар мери бун.

Иса п'ийа ль сәр авер'а дьчә

(Мәтта 14:22-33; Йуһ'әнна 6:15-21)

⁴⁵ Дәстхвәда әви п'ейи сәр шагьртед хвә кьр, кө бьк'әвһнә қәйьке у пешийа ви дәрбази ви бәри голе, Бәйтсайдаһе бьһ, һ'әта кө хвәха щьмә'те вәр'екә. ⁴⁶ Пәй вәр'екьрһнер'а р'абу чу сәре ч'ийе, кө дөа бькә. ⁴⁷ Гава кө р'о чу ава, қәйьк нава голеда бу у Иса т'әне дәве голе бу. ⁴⁸ Иса дит кө шагьрт берк'ьшандьнеда гәләки зә'мәте дьк'ьшиньһн, чьмки ба мьқабьли ван бу. Незики қәрәбәрбанге Иса сәр голер'а пәйа дьчу незики ван дьбу. Ви хвәст кө бәр ванр'а дәрбаз буйа, ⁴⁹ ле чахе вана дит кө Иса сәр голер'а пәйа дьчә, ван т'ьре^ф хәйаләкә^ф кө дьбиньһн у кьрһнә қир'ин. ⁵⁰ Чьмки һ'әмуһа жи әв дит у тьрсийан. Ле Иса ве дәме дәнг да ван у гот: «Сәр хвә бьһ! Әз ьм. Нәтьрсьһ!» ⁵¹ һьһге әв к'әтә қәйьке щәм

ван у ба сэкьни. Шагърт э'щербмайи ман, һ'ше сәре ван чу, ⁵² чъмки эв қәвъмандьна ль сәр нен һе сәре ванда р'унәншьтбу, фэ'ме ван дадайи бу.

Иса Щенисартеда нэхвәша қәнщ дькә

(Мәтта 14:34-36)

⁵³ Эв дәрбази ви бәри голе бун у ль алийе Щенисартева гьһиштнә бәже^ф. ⁵⁴ Гава жь қәйьке пәйа бун, щьм'те пер'а-пер'а Иса нас кър. ⁵⁵ Эв т'эмамия we қэзайе вьрда-веда бэзин у дәстпекьрн нэхвәш ньвинава данинә ви щийе кә дьбьһистьн Иса ле бу. ⁵⁶ һәр щийед кә Иса дьчуйе, һәгәр бажар буна, гөнд буна, бәргә буна, нэхвәш базарада даданин у һиви же дькьрн кә т'әне ль р'ишийед к'ьнщед ви к'эвн. У һ'эмуйед кә ле дьк'этьн, жь нэхвәшийед хвә қәнщ дьбун.

Р'ав-р'ьзьмед^ф кал-бава у хәбәра Хвәде

(Мәтта 15:1-9)

7¹ Ферьсийа у һнәк қанунзанед кә жь Оршәлиме һатьбун, дора Иса гьртн. ² Вана дит кә һнәкә жь шагъртед ви бь дәстед қьлер, ава готи дәстнәшушти нан дьхвн. ³ Чъмки ферьси у һ'эму щьһу^ф пәй р'ав-р'ьзьмед^ф кал у бавед хвә дьчн, һ'эта кә дәстед хвә р'ьнд нәшон, нане хвә нахвн ⁴ у жь базаре жи чь тиньн, һ'эта аве нәхн, нахвн.* Гәләк э'дәтед дьн жи һәнә, кә жь кал у бава һьлданә у дьқәдиньн: Мәсәлә, мина шуштна т'аса, шәрбька у фьрақед сьфьрә майин**. ⁵ һынге ферьси

* 7:4 Аһа жи те фә'мкьрне: «У жь базаре жи тен, һ'эта аве сәр хвәда нәкн, нен нахвн».

** 7:4 Нав дәстнвьсаред һнәкада эв жи һәйә: «Оса жи щи-ньвина».

у қанунзана жь Иса пьрсин: «Чьма шагъртед тэ пэй р'ау-р'ъзмед кал у бава начьн у бь дэстнэшушти* нан дьхьн?»⁶ Эви ль ван вэгэр'анд у гот: «Ишайа бона вэ дөр'уйа р'аст п'ехэмбэрти^ф кьрийэ! Чава кё һатийэ ньвисаре:

«Эва щьмэ'та бь заре^ф хвэ қэдьре мьн дьгьрэ,
ле дьле^ф ван жь мьн дур э.

⁷ Бадиһәва^ф мьн дьһ'эбиньн,

т'эмийед мэрьва чава қанунед мьн щьмэ'те һин
дькьн»*.

⁸ һун т'эмийед Хвэде дьһельн у пэй р'ау-р'ъзмед мэрьвайийе дьк'эвьн». ⁹ У гот: «һун т'эмийед Хвэде р'ьнд дьдьнэ алики, вэки р'ау-р'ъзмед хвэ хвэй кьн.

¹⁰ Мэсэлэ, Муса готийэ: «Қэдьре де у баве хвэ бьгьрэ* у «вэ кё гьлики қолайи де у баве хвэр'а бежэ, гэрәке бе көштъне»**. ¹¹ Ле һун дьбежьн: «К'и кё дийа хвэр'а йан баве хвэр'а бежэ: Эв алик'арийа кё гэрәке жь мьн бьгьһижэ тэ, эв қөрбан^ф э», (ава готи дийарик э кё Хвәдер'а те дайине) ¹² һун иди наһельн кё эв тыштәки де у баве хвэр'а бькә! ¹³ Бь ви авайи, һун бь ван р'ау-р'ъзмед хвэйэ кё дәрбази ньсьлед^ф ну дькьн, хэбәра Хвәде дькьнэ хвәли. У һун гәләк тыштед аһа дькьн».

* 7:5 Нав дэстньвисаред қәнщда дәвса «дэстнэшушти» «дэстқьлер» һәйә.

* 7:7 Ишайа 29:13.

* 7:10 Дәрк'этьн 20:12; Қануна Дөщари 5:16.

** 7:10 Дәрк'этьн 21:17.

Тыштед кө мерьв дьһ'эр'ьминьн*(Матта 15:10-20)*

¹⁴ Ынге Иса э'лалэт диса гази щэм хвэ кър у готэ ван: «һун һ'эму гөһдарийа мьн бькьн у фэ'м кьн. ¹⁵ Тыштэки өса т'өнэ, кө жь дэрва бьк'эвэ нав-дьле мерьв у ви бьһ'эр'ьминэ, ле эв тыштед кө жь дьл дэртен, эв мерьв дьһ'эр'ьминьн». ¹⁶ Гөһе к'еийи бьһистьне һэйэ бьра бьбьһе».*

¹⁷ Гава жь э'лалэте қэтиһа һатэ мал, шагъртед ви мэ'на we мэсэле же пьрсин. ¹⁸ Иса ль ван вэгэр'анд у гот: «һун һе нагьһижьнэ гьлийа? Чьма һун фэ'м накьн, чь кө жь дэрва дьк'эвэ нав-дьле мерьв, нькарэ ви бьһ'эр'ьминэ. ¹⁹ Чьмки эв нэ кө дьк'эвьнэ дьле ви, ле дьчьнэ зьке ви у жь вьр жи дэртен дэрва». (Бь ви авайи Иса да к'ьфше, кө һ'эму хварьн жи һ'элал^ф ьн.) ²⁰ У гот: «Эв тыштед кө жь дьле мерьв дэрдьк'эвьн, эв ви дьһ'эр'ьминьн. ²¹ Чьмки жь һьндөр', жь дьле мэрв фькьред хьраб дэрдьк'эвьн: Қави^ф, дьзи, көштьн, ²² зьнек'ари, тьмайи, хьраби, фелбази, толти, ч'э'ве хьраб, бөхданбежи, к'өбари у беақьли. ²³ Эв һ'эму тыштед хьраб жь дьл дэрдьк'эвьн у мерьв дьһ'эр'ьминьн».

Бавэрийа к'өлфэга Финикья Сурйайе*(Матта 15:21-28)*

²⁴ Иса жь we дэре р'абу чу синоре Суре. Чу малэке у нэдьхвэст кө кэсэк пе бьһ'эсийа, ле нькарьбу хвэ вэшарта. ²⁵ К'өлфэтэкэ кө қизька we р'өһ'е һ'эрамва гьрти бу, бона Иса пе һ'эсийа, лэз һат у хвэ авитэ бэр ньгед

* 7:16 Нав дэстньвисаред һэрэ қәнщда р'еза 16-а т'өнэ.

ви. ²⁶ Эw к'олфэт йунан^ф бу, э'сьле хwэда жи жь Финикйа Сурйае бу. We лава жь Иса кър, кӧ щьн жь қиза we дәрхэ. ²⁷ Иса wer'a гот: «Бһелэ бьра пешийе зар' т'ер бһн, чьмки нэ р'аст э кӧ нан бэр зар'а һьлдьн у бавежьнэ бэр са». ²⁸ Эwe ль ви вэгэр'анд у гот: «Бэле Хӧдан, нэ сэ жи ван һурькед бэр зар'айэ бһне сьфреда майи дьхwьн?» ²⁹ Ьнге ви к'олфэтер'а гот: «Бона хатьре ве готьна тэ, т'ӧ дькари һэр'и. Щьн жь қизька тэ дэрк'эт». ³⁰ К'олфэт чу мала хwэ, дина хwэ дае, we қизьк нав ньвинеда п'алда йэ у щьн жи же дэрк'этийэ.

Мэрьвэки кэр' у лал хэбэр дьдэ

³¹ Пэй we йәкер'а Иса жь синоре Суре дэрк'эт, нава Сайдер'а дэрбаз бу, қэза Декаполисер'а һатэ гола Щәлиле. ³² Мэрьвэки кэр' у лал анинэ щәм ви у лава же кьрын кӧ дәсте хwэ дайнэ сэр ви. ³³ Иса эw мэрьв жь ә'лаләте қәтанд, т'ьлийед хwэ кьрынэ гӧһед ви, дәсте хwэда т'укьр, ль зьмане ви да. ³⁴ У бәре хwэ ә'зменда кър, к'әсәр һате у гот: «Әффата!» кӧ те фәмкьрьне: «Вэбә!» ³⁵ У дәст хwэда гӧһед ви бһистьн, зьмане ви вәбу у зәлал дәст бь хэбәрдане кър. ³⁶ Иса т'әми ль ван кър, кӧ кәсир'а нәбежьн. Ле әви чьқас т'әми ль ван дькър, вана һақас зедә бәла дькър. ³⁷ Мэрьв гәләки ә'щәбмайи мабун у дьготьн: «Әви һ'әму тышт қәнщ кър: Кәр'а дьдә бһистьне у лала жи дьдә хэбәрдане».

Иса чар һ'әзара т'ер дькә

(Матта 15:32-39)

8 ¹ Ван р'ожада диса ә'лаләтәкә гьран щьвийа. Тыштәки вани хварьне т'ӧнәбу кӧ бьхварана, Иса гази шагъртед хwэ кър у гот: ² «Гӧне мьн ль ве ә'лаләте те.

Эв се р'ож э т'эви мьн э у тыштэки вани хварьне т'өнэ.
³ Һэгэр эз ван бър'чи вэр'екьмэ малед ван, дьле ване р'ева хwэва һэр'э у жь ван һьнэк жи жь щийед дур һатьнэ».
⁴ Шагъртед ви ле вэгэр'андьн у готьн: «Ль ве бэр'ийе^ф эме жь к'ө һақас нан дэст хьн, кө ве щьмэ'те т'ер кьн?»
⁵ Иса жь ван пьрси: «Чэнд нанед wэ һэнэ?»
 Вана гот: «Һ'эфт».
⁶ Һьнге э'мьр кьр кө э'лалэт сэр э'рде р'уне. Эви эw һ'эфт нан һьлдан шькьри да, эw кэркьрын у паше данэ шагъртед хwэ, кө дайньнэ бэр э'лалэте. Вана эw данинэ бэр ван.
⁷ У чэнд мэ'сийед ванэ бьч'ук жи һэбун. Иса бона ван жи шькьри да у гот: «Ван жи дайньнэ бэр э'лалэте».
⁸ Вана хвар у т'ер бун. Паше һ'эфт зэмбил жь хурькед бэрмаи бэрэв кьрын.
⁹ Эвед кө хварьн, wэкэ чар һ'эзар мэрьва бун. Гава кө Иса эw вэр'екьрын,
¹⁰ пер'а-пер'а т'эви шагъртед хwэ к'этэ қайьке у чунэ қэза Далманутайе.

К'эрэмэтэке чава нишан жь э'змана дьхwазьн

(Матта 16:1-4)

¹¹ Ферьси һатьн у дэстпекьрын Исар'а к'этьнэ дэ'we. Эw дышер'ьбандьн у жь ви нишанэк жь э'змен дьхwэстьн.
¹² К'ур к'эсэр һате у гот: «Чьма эва ньсьла ль нишанэке дьгэр'э? Эз р'аст wэр'а дьбежьм кө ви ньсьлир'а нишанэк найе дайине».
¹³ Ви эw һьштын, диса к'этэ қайьке у дэрбази ви бэри голе бу.

Һэвиртьр'шке^ф ферьсийа у һеродэс

(Матта 16:5-12)

¹⁴ Ижар шагърта бир кьрбу кө хwэр'а нан һьлдана. Ль щэм ван, қайькеда пештьри нанэки тыштэки вани хварьне т'өнэбу.
¹⁵ Иса т'эми да ван у гот: «Мьқати хwэ бьн, һ'эвза хwэ жь һэвиртьр'шке^ф ферьсийа у өса жи йе

Һеродэс* бькын». ¹⁶ Ле эwana нав һэвда хэбэр дьдан у дьготын: «Нане мэ т'өнэ, лэма аһа дьбежэ». ¹⁷ Исава э'йан бу кӧ эw чь дьбежын у wanp'a гот: «һун чьма нав һэвда хэбэр дьдын, кӧ нане wэ т'өнэ? һэла һе һун фэ'м накын? У сэрe wэда p'унани, һэла һе нагъһижьнэ гьлийа?

¹⁸ Ч'э'ве wэ һэнэ, һун набиньн?

Göhe wэ һэнэ, һун набыһен?

Чава найе бира wэ, ¹⁹ чахе мын пенц нан бона пенц һ'эзар мэрьва кэркьрын? Wэ жь һурькед бэрмайа чэнд сэлэйед т'ьжи бэрэв кьрын?» Wan ле wэгэр'анд у готын: «Донздэһ». ²⁰ «У гава мын һ'эфт нан бона чар һ'эзар мэрьва кэркьрын, wэ чэнд зэмбилед т'ьжи бэрмайи бэрэв кьрын?» Wan гот: «һ'эфт». ²¹ Иса wanp'a гот: «Ле чьма һун һе фэ'м накын?»

Ль Бэйтсайдае қәнщкьрына корэки

²² У эw һатьнэ Бэйтсайдае. һьнэка мэрьвэки кор ани щэм Иса у лава же кьрын, кӧ дэсте хwэ дайнэ сэр wi. ²³ Эwi жи дэсте мэрьве кор гьрт, жь гӧнд дэрхьстэ дэр, ч'э'вед wi бь т'ука хwэ шьл кьрын у дэстед хwэ данинэ сэр wi, пьрси: «Тӧ тыштэки дьбини?» ²⁴ Эwi жи ль жоре ньһер'и у гот: «Эз мэрьва дьбиньм, ле мина дара нэ, кӧ дьгэр'ьн». ²⁵ Диса Иса дэстед хwэ данинэ сэр ч'э'вед wi, мэрьв зур' бу ньһер'и у ч'э'вед wi wэбун, һэр тышт зэлал дит. ²⁶ Иса эw шандэ мала wi у жер'a гот: «Нэк'эwэ нава гӧнд»*.

* 8:15 Нав дэстньвисаред һьнэкада дэwса «Һеродэс» «Һеродэсийа» һэйэ.

* 8:26 Нав дэстньвисаред һьнэкада аһа йэ: «Гӧндда кэсэкиp'a тыштэки нэбежи».

Пэтрус шә'дәтийе ль сәр Иса дьдә

(Мәтта 16:13-20; Лука 9:18-21)

²⁷ Иса т'эви шагъртед хвә чу гөндебд Қәйсәрийа Филипойе у р'еда жь шагъртед хвә пьрси: «Бь т'эхмина мәрва эз к'и мә?» ²⁸ Ван ле вәгәр'анд у готьн: «Һнәк дьбежьн Йуһ'әннайе ньхөмдар э, һнәкед дьн дьбежьн Елйас э, һнәкед майин жи дьбежьн йәк жь п'ехәмбәра йә». ²⁹ Иса жь ван пьрси: «Ле һун чь дьбежьн? Бь т'эхмина вә эз к'и мә?» Пэтрус ле вәгәр'анд у готе: «Т'ө Мәсиһ и». ³⁰ Әви т'әми ль ван кьр, кө дәрһәқа вида кәсир'а тыштәки нәбежьн.

Иса дәрһәқа щәфа у мьрьна хвәда дьбежә

(Мәтта 16:21-28; Лука 9:22-27)

³¹ Пәй ве йәкер'а Иса дәстпекьр шагъртед хвә һин кьр, кө гәрәке Көр'е Инсан гәләки щәфе бык'ьшинә, жь алийе р'успийа^ф, сәрәкед к'аһина у қанунзанада бе т'әхсиркьрьне^ф у көштъне, ле р'ожа сьсийа жь мьрьне р'абә. ³² Әви әв йәк зәлал гот. һынге Пэтрус әв да алики у ле һьлат. ³³ Ле Иса сәр мьле хвәва зьвьр'и у ль шагъртед хвә ньһер'и, ль Пэтрус һьлат у гот: «Дури мьн һәрә, Щьно! Чьмки нет-фькьра тә нә жь Хвәде йә, ле жь мәрвайе йә».

³⁴ Паше Иса гази ә'лаләте у шагъртед хвә кьрын, ванр'а гот: «Һәгәр йәк дьхвазә ль пәй мьн бе, бьра хвә инк'ар^ф кә, хаче^ф хвә һьлдә у пәй мьн бе. ³⁵ Чьмки к'и кө дьхвазә ә'мьре хвә хьлаз кә, әве ви өнда кә у к'и кө ә'мьре хвә бона мьн у Мьзгинийе өнда кә, әве ви хьлаз кә. ³⁶ Чь фәйдә һәгәр мәрвь т'әмамийа дьнйәйе қазьнщ кә, ле ә'мьре хвә өнда кә? ³⁷ Йан жи мәрвь чь дькарә бәр

э'мьре хwэва бьдэ? ³⁸ Эwе кö мьн у хэбэред мьн нав ви ньсьле хальфи^Ф у гөнэк'арда шэрм h'эсаб кэ, Көр'е Инсан жи we wi шэрм h'эсаб кэ, гава р'умэта Баве^Ф хwэва т'эви мьлйак'этед пироз^Ф бе».

9 ¹ У эwi ванр'а гот: «Эз р'аст wэр'а дьбежьм, кö һьнэкед ль вьр сэкьни һэнэ we мьрьне нэбиньн, h'эта кö нэбиньн П'адшатийа Хwэде бь qэwат те».

Шагьрт Иса нава нур у р'умэтеда дьбиньн

(*Матта 17:1-13; Лука 9:28-36*)

² Пэй шэш р'ожар'а Иса т'эви хwэ Пэтрус, Аqуб у Йуһ'энна һьлдан у р'акьрьнэ ч'ийаки бьльнд, ль wьр эw т'эне бун. һьнге ль бэр ван р'энг-р'уйе wi hatэ гöһастьне. ³ К'ьнщед wi öса чил-qэрqаш бун у һаqаси бьрьqин, кö ль сэр р'уйе эр'де т'ö тыштэки к'ьнщсыпикьрьне нькарьбу эw һаqаси сыпи бькьра. ⁴ һьнге Елийас у Муса ванва хöйа бун у т'эви Иса хэбэр дан. ⁵ Пэтрус Исар'а гот: «Дэрсдар, чава р'ьнд э кö эм вьр ьн! Дэ эме се h'олька чекьн, йэке тэр'а, йэке Мусар'а у йэке жи Елийаср'а». ⁶ Эw öса тьрсийа бун, кö Пэтрус ньзаньбу чь бежэ.

⁷ We гаве э'wрэк дэрк'эт ль сэр ван кьрэ си у дэнгэк жь э'wр hat: «Эв э Көр'е мьни дэлал! Гöһдарийа wi бькьн!» ⁸ Ньшкева шагьрта ль дора хwэ ньһер'и, пештьри Иса кэсэк нэдитьн.

⁹ Чахе жь ч'ийе дьһатьнэ хwаре, Иса т'эми ль ван кьр гот: «Чь кö wэ дит т'ö кэсир'а нэбежьн, h'эта кö Көр'е Инсан жь мьрьне р'анэбэ». ¹⁰ Шагьрта эв т'эми хwэй кьр у жь һэвдö пьрсин, к'а мэ'на р'абуна жь мьрьне чь йэ. ¹¹ У вана же пьрси: «Гэло чьма qанунзан дьбежьн пешийе гэрэке Елийас бе?» ¹² Эwi жи ванр'а гот: «Р'аст э, пешийе

Елийасе бе у һәр тышти щи бь щи бькэ. Ле чьма һатийё нъвисаре, кө Көр'е Инсан we гэлэки щэфе бьк'ьшинэ у бе behörmэткърьне? ¹³ Ле эз wэр'а дьбежым, Елийас һатийё жи у чава кө бона wi һатьбу нъвисаре, öса жи сәре wi кърьн, чава кө дьле ван хwэст».

Иса көр'ькэки щьнак'эти қәнщ дькэ

(Мәтта 17:14-21; Лука 9:37-43а)

¹⁴ Гава вэгәр'ийанэ щәм шагъртед дьн, дитьн ль дора ван ә'лаләтәкә гьран гьртийә у қанунзан жи ванр'а к'әтьбунә дә'we. ¹⁵ һынге т'әмамия ә'лаләте кө Иса дит, гэлэки ә'щербмайи ма, бәрбь wi бәзин у сылав дане. ¹⁶ Иса жь шагърта пьрси: «һун бона чь ванр'а к'әтьнә дә'we?»

¹⁷ Жь нав ә'лаләте мәрвәки ле вэгәр'анд у гот: «Дәрсдар! Мьн көр'е хwәйи р'öh'e лалва гьрти ани щәм тә. ¹⁸ К'идәре кө пе дьгьрә wi ә'рде дьхә, к'әф дев дьк'әвә, дьран ле дькьнә ч'ьркә-ч'ьрк у р'әқ дьбә. Мьн һиви жь шагъртед тә кьр, кө ви р'öh'и дәрхьн, ле нькарьбун».

¹⁹ Иса ль ван вэгәр'анд у гот: «һәй ньсьле нәбаwәр! һ'әта к'әнге әзе т'әви wә бьм? һ'әта к'әнге әзе ль wә сәбьр кьм? Wi биньнә щәм мьн». ²⁰ Wана көр'ьк анинә щәм Иса. Гава кө р'öh'e һ'әрам Иса дит, пер'а-пер'а көр'ьк вәч'ьр'ьканд. Әw к'әтә ә'рде, к'әф дев к'әт у п'ьрпьти. ²¹ Иса жь баве wi пьрси: «Жь к'әнгева әв йәка т'әви wi дьқәwьмә?» Әwi гот: «Жь зар'отийеда. ²² У ви р'öh'и гәләк щара әва авитийә нава егьр у аве, кө wi бькөжә. Ле һәгәр жь дәсте тә те, тыштәки бькә бьра гөне тә ль мә бе, алик'арийа мә бькә!» ²³ Иса wir'а гот: «Бәле һәгәр жь дәсте тә те wәки баwәр бьки? Бона йе баwәр дькә һәр тышт жи дьбә». ²⁴ We гаве баве көр'ьк кьрә қир'ин у гот: «Әз баwәр дькьм. Алик'арийа нәбаwәрийа мьн бькә!»

²⁵ Гава Иса дит кӧ э'лалэт дьбэзэ, т'опи сэр ши дьбэ, ль р'öh'e h'эрам һьлат у гот: «Һэй р'öh'e кэр' у лал, эз э'мьри сэр тэ дькьм: Жь кӧр'ьк дэрк'эвэ у щарэкэ дьн нэк'эви нава ви!» ²⁶ Р'öh' кьрэ қир'ин, кӧр'ьк қайим вэч'ьр'ьканд же дэрк'эт. У кӧр'ьк бу мина мьрийа, өса кӧ гэлэка дьгот: «Әв мьр!» ²⁷ Ле Иса дәсте ши гьрт, әв р'акьр. Кӧр'ьк жи р'абу сэкьни. ²⁸ Чахе Иса к'этэ мале, шагьртед ши башқә же пьрсин: «Мә чьма нькарьбу әв щьн дэрхьста?» ²⁹ Иса ль ван вэгэр'анд у гот: «Щьне ви щур'эйи бь т'ө тышти дэрнайе, пештьри бь дӧа»».

Иса диса дэрһәқа мьрна хвәда дьбежә

(Мәтта 17:22-23; Лука 9:43б-45)

³⁰ Жь вьр чун у нав Щәлилер'а дэрбаз бун. Иса нәдхвәст кӧ кәс ве йәке бьһ'эсә, ³¹ чьмки ши шагьртед хвә һин дькьр у ванр'а дьгот: «Кӧр'е Инсан ве бьк'эвэ дәсте мәрва, әве ши бькӧжьн, ле пәй кӧштьнер'а р'ожа сьсийа ве р'абә». ³² Ле вана әв готьн фә'м нәдкьр, дьтьрсийан жи кӧ жь ши бьпьрсьн.

К'и йә йе һәри мэзын?

(Мәтта 18:1-5; Лука 9:46-48)

³³ У әв һатьнә Кәфәрнаһуме. Гава Иса малда бу, жь шагьрта пьрси: «Һун р'еда бона чь һәвр'а к'этьбунә дә'ве?» ³⁴ Вана дәнге хвә нәкьр, чьмки р'еда нав һәвда хәбәр дабун, к'а жь ван к'и йә йе һәри мэзын. ³⁵ Иса р'унышт, гази һәр донздәһа кьр у ванр'а гот: «Һәгәр йәк дьхвазә бьбә йе пеш, гәрәке әв бьбә йе һәри паш у

* 9:29 Нав дәстньвисаред пашвәхтийеда аһа йә: «Пештьри бь дӧа у р'ожийе».

хӧламе һ'эмуйа». ³⁶ У дэсте зар'окэке гьрт, нав ванда да сэкьнандьне, паше эв зар'ок да һ'эмеза хвэ у ванр'а гот: ³⁷ «К'и зар'окэкэ аһа бь наве мьн қэбул кэ, эв мьн қэбул дькэ. У к'и кӧ мьн қэбул дькэ, эв нэ кӧ мьн, ле йе кӧ эз шандьмэ қэбул дькэ».

Йе нэ мьқабыли мэ йэ, эв пышта мэ йэ

(Луқа 9:49-50)

³⁸ Йуһ'энна Исар'а гот: «Дэрсдар! Мэ мэрвьэк дит кӧ бь наве тэ щьн дэрдьхьстьн, ле мэ нэһьшт, чьмки эв пэй мэ найе». ³⁹ Ле Иса гот: «Пешийе ль ви нэгьрын. Кэсэк т'ӧнэ кӧ бь наве мьн к'эрэмэтэке бькэ у пер'а-пер'а бькарьбэ һьндава мьнда хьраб хэбэр дэ. ⁴⁰ Чьмки эве кӧ нэ мьқабыли мэ йэ, эв пышта мэ йэ. ⁴¹ Эз р'аст вэр'а дьбежьм, эве кӧ т'асэ ав бьдэ вэ бона хатьре ве йэке, кӧ һун п'ара Мэснһ ьн, эве һэде хвэ қэт ӧнда нэка».

Жьр'едэрхьстьн

(Матта 18:6-9; Луқа 17:1-2)

⁴² К'и кӧ жь ван бьч'ука йэки, йе кӧ бавэрийа хвэ мьн тинэ жь р'е дэрхэ, вир'а һе қэнц э, кӧ бэрашэк стуйе вива бе гьредане у бе авитьне нава бэ'ре. ⁴³⁻⁴⁴ һэгэр дэсте тэ, тэ жь р'е дэрдьхэ, ви жекэ! Бона тэ һе қэнц э, кӧ тӧ қоп бьк'эви жийине, нэ кӧ дӧ дэстед тэ һэбьн у һэр'и щэ'ньме^ф, нава агьре кӧ қэт натэмьрэ.* ⁴⁵⁻⁴⁶ һэгэр ньге тэ, тэ жь р'е дэрдьхэ, ви жекэ! Бона тэ һе қэнц э, кӧ тӧ бе ньг бьк'эви жийине, нэ кӧ дӧ ньгед тэ һэбьн у бейи авитьне щэ'ньме.* ⁴⁷ һэгэр ч'э'ве тэ, тэ жь р'е дэрдьхэ, ви дэрхэ!

* 9:43-44,45-46 Нав дэстньвисаред һьнэкада, р'еза 48-а хьлазийа р'еза 44 у 46-ада те вэж'яландьне: «Ве дэре эве жь кӧрме нэмьри бенэ котьне у агьре жи нэтэмьрэ».

Бона тә һе қәнщ ә, кө тө бь ч'э'вәки бьк'эви П'адшатийа Хwәде, нә кө дө ч'э'ве тә һәбьн у бейи авитьне щә'ньме.
⁴⁸ We дәре «we жь көрме нәмьри бенә котьне у агьре жи нәтәмьрә»*. ⁴⁹ Чьмки һәр мәрвьәке бь егьр бе хвекьрьне.*
⁵⁰ Xwe тыштәки қәнщ ә. Ле һәгәр хве шор'айийа хwә онда кә, һуне чава диса шор'айийа we биньнә щи? Бьра тә'ма хве нава wәда бә у бь һәвр'а ә'дьялайийеда бьжин».

Пьрса жьнбәр'дане

(Мәтта 19:1-12; Лука 16:18)

10 ¹ Иса жь wьр р'абу чу синоре Щьһустане у дәрбази ви алийе ч'әме Урдөне бу. Диса ә'лаләте ль дора ви гьрт у чава ә'дәте ви бу, әви диса әw һин кьрьн.
² Жь ферьсийа һьнәк незики ви бун у же пьрсин, wәки ви быщер'ьбиньн: «Гәло ль гора Қануне р'аст ә, кө мер жьна хwә бәр'дә?» ³ Иса щаба ван да у гот: «Муса чь т'әми да wә?» ⁴ Wана гот: «Муса изьн да, кө мер к'ахаза жьнбәр'дане бьньвисә у жьне бәр'дә». ⁵ Ле Иса ванр'а гот: «Жь дәст сәрһ'ьшкия wә Муса әв т'әми wәр'а ньвиси.
⁶ Ле сәре серида, wәхте ә'фьрандьне Хwәде әw «нер у ме хөльқандьн»*. ⁷ Бона ве йәке мере де у баве хwә бьһелә, хwә ль жьна хwә бьгьрә ⁸ у һәр дө we бьбьнә бәдәнәк»*. Аwa иди әw нә дөдө нә, ле бәдәнәк ьн. ⁹ Бона ве йәке әвед кө Хwәде әw кьрьнә йәк, бьра мәрвь ван жь һәвдө

* 9:48 Ишайа 66:24.

* 9:49 Нав дәстньвисаред һьнәкада әв жи һәйә: «У һәр қөрбане бь хве бе хвекьрьне». һьнәк аһа фә'м дькьн: «Чьмки һәр мәрвьәке бь егьр бе сафикьрьне, чава кө һәр қөрбан бь хве те хвекьрьне». Қануна К'аһинтийе 2:13.

* 10:6 Дәстпобун 1:27.

* 10:8 Дәстпобун 2:24.

нэқэтинэ». ¹⁰ Гава эв диса малда бун, шагърта бона ве мäsäle жь ви пьрсин. ¹¹ Иса ванр'а гот: «К'и кö жьна хвэ бэр'дэ у йэкэ дьн бьстинэ, һьндава веда зьнек'арийе дькэ ¹² у һэгэр жьн жи мере хвэ бэр'дэ у йэки дьн бьстинэ, зьнек'арийе дькэ».

Иса дöа зар'ока дькэ

(Матта 19:13-15; Лука 18:15-17)

¹³ Ава зар'ок данинэ щэм Иса, кö дэсте хвэ дайнэ сэр ван, ле шагърт ль йед данин һьлатьн. ¹⁴ Гава кö Иса эв йэк дит, һерс к'эт у ванр'а гот: «Бьра эв зар'ок бенэ щэм мьн, пешийа ван нэгьрьн, чьмки П'адшатийа Хвэде п'ара йед аһа йэ. ¹⁵ Эз р'аст вэр'а дьбежьм, к'и П'адшатийа^Ф Хвэде мина зар'окэке қэбул нэкэ, эв т'ö шар нак'эвэ нава ве». ¹⁶ Паше эв зар' данэ һ'эмеза хвэ, дэсте хвэ дани сэр ван у дöа ль ван кьр.

Йэки дэвлэти ль жийина^Ф һ'эта-һ'этайе дьгэр'э

(Матта 19:16-30; Лука 18:18-30)

¹⁷ Гава Иса р'ийа хвэда дьчу, йэк бэрбь ви бэзи, чу ль бэр ви чок да у же пьрси: «Дэрсдаре қэнщ, эз чь бькьм, вэки жийина һ'эта-һ'этайе вар бьм?» ¹⁸ Иса вир'а гот: «Тö чьма мьнр'а дьбежи қэнщ? Қэнщ т'эне Хвэде йэ, пештьри ви кэсэки дьн т'өнэ. ¹⁹ Тö т'эмийа зани: «Нэкöжэ, зьнек'арийе нэкэ, нэдьзэ, шэ'дэтийа дэрэв нэдэ, худана хэлде нэхвэ, қэдьре де у баве хвэ бьгьрэ»».

²⁰ Эви гот: «Дэрсдар, эв һ'эму жи мьн жь шаһьлтийа хвэда хвэй кьрьнэ». ²¹ Иса ле ньһер'и, эв һ'ьз кьр у готе: «Һе кемасикэ тэ һэйэ. һэр'э чи тэ һэйэ бьфьрошэ, бэлайи

* 10:19 Дэрк'этьн 20:12-16; Қануна Дöщари 5:16-20.

фәқира кә, һынге хьзна тә we ль ә'змен һәбә. У пәй мьн вәрә*». ²² Ль сәр ве готьне ви р'әнг авит, мә'дәкьри чу, чьмки гәләк һәбука ви һәбу.

²³ Иса ль дора хвә ньһер'и у шагьртед хвәр'а гот: «Дәвләтийар'а чьқас зә'мәт ә, кә бьк'әвьнә П'адшатийа Хвәде!» ²⁴ Шагьрт сәр ван готьнед ви ә'щәбмайи ман, ле Иса диса думайи кьр у гот: «Лауно! Ванр'а чьқас зә'мәт ә, бьк'әвьнә П'адшатийа Хвәде, йед кә гөмана хвә датиньнә сәр дәвләта хвә!» ²⁵ дәвә we қөла дәрзийер'а һе р'ьһ'әт дәрбаз бә, нә кә дәвләти бьк'әвә П'адшатийа Хвәде». ²⁶ Шагьрт гәләки ә'щәбмайи ман у һәвр'а готьн: «Иди к'и дькарә хьлаз^ф бә?» ²⁷ Иса ль ван ньһер'и у гот: «Әв тышт жь дәсте мерьв найе, ле жь дәсте Хвәде те, чьмки Хвәде дькарә һәр тышти бькә». ²⁸ һынге Пәтрус дәстпекьр жер'а гот: «Ава мә һ'әму тышт һьштийә у пәй тә һатьнә». ²⁹ Иса ванр'а гот: «Әз р'аст вәр'а дьбежьм, т'ө кәс т'өнә кә бона мьн у Мьзгинийе мал, йан бьра, йан хушк, йан де, йан бав, йан зар', йан ә'рдед хвә һьштьбьн, ³⁰ у ль ве дьне сәд қат мала, бьра, хушка, дийа, зар'а у ә'рда т'әви зерандьна нәстинә у дьнйа дьнда жи жийина һ'әта-һ'әтайе. ³¹ Ле гәләкед пеш we бьбьнә йед паш у йед паш we бьбьнә йед пеш».

* 10:21 Нав дәстньвисаред һьнәкада аһа йә: «У хаче хвә һьлдә, пәй мьн вәрә».

* 10:24 Нав дәстньвисаред һьнәкада «йед кә гөмана хвә данинә сәр дәвләта хвә» т'өнә.

Иса щара сьсийа дэрһәҫа мьрьна хвәда дьбежә*(Мәтта 20:17-19; Лука 18:31-34)*

³² Аwa әw ль сәр р'е бун у һәвраз дьчунә Оршәлиме, Иса ль пешийа ван дьчу, шагьрт ә'щербмайи дьман у әвед ль пәй дьһатьн дьтьрсийан. Әви диса һәр донздәһ данә алики у дәстпекьр әw тыштед кө we сәре ви бьқәwьмийана ванр'а гот: ³³ «Ва йә әм һәвраз дьчьнә Оршәлиме. Көр'е Инсан we бьк'әwә дәсте сәрәкед к'аһина у қанунзана. Әwe жер'а көштьне дәрхьн у ви бьдьнә дәсте нәщьһуйа^ф ³⁴ у әwe қәрфе хwә ль ви бькьн, т'укьне, бьдьнә бәр қамчийа, ви бькөжьн, ле р'ожа сьсийа we жь мьрьне р'абә».

Хвәстьна Ақуб у Йуһ'әнна*(Мәтта 20:20-28)*

³⁵ һьнге көр'ед Зәбәди, Ақуб у Йуһ'әнна незики Иса бун у готьне: «Дәрсдар, әм дьхwазьн wәки әм жь тә чь һиви кьн, тө бона мә бьки». ³⁶ Әви жи жь ван пьрси: «Һун чь дьхwазьн кө әз бона wә бькьм?» ³⁷ Ван жер'а гот: «Изьне бьдә кө р'умәта тәда жь мә йәк ль мьле тәйи р'асте, йе дьн жи ль мьле тәйи ч'әпе р'уне». ³⁸ Иса ванр'а гот: «Һун ньзаньн чь дьхwазьн. Гәло һун дькарьн жь we к'асе вәхwьн, йа кө әзе вәхwьм? Йан жи бь we ньхөмандьне бенә ньхөмандьне бь к'ижане әзе бемә ньхөмандьне?» ³⁹ Wана жер'а гот: «Әм дькарьн». Иса ванр'а гот: «Бәле һуне вәхwьн жь we к'аса кө әзе вәхwьм у бенә ньхөмандьне бь we ньхөмандьна кө әзе пе бемә ньхөмандьне, ⁴⁰ ле изьна ль мьле мьни ч'әп у р'асте р'уньштьне нә дәсте мьнда йә. Әw щи бона ван ьн, к'ижанар'а һатьнә һазьркьрьне». ⁴¹ Гава һәр дәһә

шагъртед дьн эв йэк бьһист, дьле ван жь Ақуб у Йуһ'әнна ма. ⁴² Ле Иса эв гази щэм хвэ кьрын у гот: «Һун заньн йед кө нав мьлэтада^ф сэрвер тенэ һ'эсабе, сэрвертийе ль ван дькьн у гьрэгьред ван жи һ'өкөми сэр ван дькьн. ⁴³ Ле нава вэда гэрэке өса нибэ. К'и кө нава вэда дьхвазэ бьбэ йе мэзын, гэрэке бьбэ бэрдэстийе вэ. ⁴⁴ У к'и кө нава вэда дьхвазэ бьбэ пеш, гэрэке бьбэ хөламе һ'эмуйа. ⁴⁵ Чьмки Көр'е^ф Инсан жи нәһатийэ кө жер'а бэрдэстийе бькьн, ле вэки эв хвэха бэрдэстийе бькэ у э'мьре хвэ бьдэ, кө гэлэка бьк'ьр'э».

Иса п'арсэкэки кор бажаре Әриһайеда қәнщ дькэ

(Матта 20:29-34; Лука 18:35-43)

⁴⁶ Паше эв һатьнэ Әриһайе. Гава Иса т'эви шагъртед хвэ у э'лалэтэкэ гьранва жь бажер дэрк'эт, Көр'е Тимэйо, Бартимэйоие кор* ль сэр р'е р'унышьбу п'арс дькьр. ⁴⁷ Гава бьһист кө Исайе Ньсрәте дэрбаз дьбэ, дэстпекьр кьрэ қир'ин у гот: «Исайе Көр'е^ф Давьд, ль мьн вэрэ р'э'ме!» ⁴⁸ Гэлэка ль ви һьлат, вэки дэнге хвэ бьбьр'э, ле эви һе дькьрэ қир'ин у дьгот: «Көр'е Давьд, ль мьн вэрэ р'э'ме!» ⁴⁹ Иса сэкьни у гот: «Гази ви кьн». Гази йе кор кьрын у шир'а готьн: «Ч'э'ве тэ р'оньк! Р'абэ сэр хвэ, гази тэ дькэ». ⁵⁰ Эви жи п'оте хвэ авит, банзда сэр хвэ у һатэ щэм Иса. ⁵¹ Иса же пьрси: «Тө чь жь мьн дьхвази кө эз бона тэ бькьм?» Йе кор жер'а гот: «Дэрсдар, дьхвазым ч'э'вед мьн бьбиньн». ⁵² У Иса жер'а гот: «Һэр'э, бавэрийа тэ тө қәнщ кьри». У ви чахи ч'э'вед ви дитьн, да пэй Иса чу.

* 10:46 Аһа жи те ф'эмкьрыне: «Бар-Тимэйо», аһа готи «Көр'е-Тимэйо». «Бар» бь зьмане арами^ф «көр'» э.

Иса бь р'умэт дьк'эвэ Оршэлиме

(Матта 21:1-11; Лука 19:28-40; Йух'энна 12:12-19)

11 ¹ Гава эw незики Оршэлиме бун у гъиштънэ ч'ийайе^Ф Зэйт'уне у гондед Бэйтфаще у Бэйтанийае, һынге Иса дө шагъртед хwэ шандьн ² у ванр'а гот: «Һэр'ьнэ ви гонде пешбэри хwэ. һэма чава кö һун бьк'эвьне, һуне щэ'шькэкэ гьредайи бьбиньн кö һе кэсэк ле сийар нэбуйэ. Эwe вэкьн у биньн. ³ У һэгэр йэк жь wэ бьпърсэ у бежэ: «Һун чьма ве йэке дькьн?» бежьне: «Хöданр'а лазьм э у we дэстхwэда бьшинэ вьр»». ⁴ Эw шагърт чун у ль бэр дэри ль к'уче, щэ'шькэкэ гьредайи дитьн. Гава вэдькьрьн, ⁵ һьнэкед wьр сэкьни пьрсин: «Һун чь дькьн? Чьма we щэ'шьке вэдькьн?» ⁶ Шагърта щаба ван öса да, чава кö Иса ванр'а готьбу. У эw һыштън. ⁷ Щэ'шьк Исар'а анин, к'ьнщед хwэ авитьнэ сэр we у эw ль we сийар бу. ⁸ Гэлэка к'ьнщед хwэ сэр р'е р'адьхьстън, һьнэка жи жь к'эwшен ч'ьрълед дара дьбьр'ин, сэр р'е р'адьхьстън. ⁹ Йед ль пешийа ви у пэй ви кö дьчун дькьрьнэ қир'ин: «Һосанна! Бьмбарэк э эwe кö бь наве Хöдан те!» ¹⁰ Бьмбарэк э эw П'адшатийа баве мэ Давьдэ кö те. һосанна Йе һэри Жорьнр'а!»»

¹¹ Иса к'этэ Оршэлиме, чу п'арьстгэһе^Ф. Ч'э'ве хwэ ль һэр тышти гэр'анд, ле чьмки иди евар бу, т'эви һэр донздөһа чу Бэйтанийае.

* 11:9 Зэбур 118:25-26.

* 11:10 Бь йунани хэбэр бь хэбэр аһа йэ: «Һосанна бьльндаиййеда». «Бьльндайи» бэ'са щийе Хwэде дькэ.

Дара нежирейә һ'ышкбуйи

(Мәтта 21:18-19)

¹² Р'ожа дыне, гава әв жь Бәйтанийәе дәрдык'әтһн, Иса бьр'чи бу. ¹³ Дурва дарәкә нежирейә бәлгдайи^ф дит, бәрбь we чу, к'а тыштәке сәр һәбә. Гава гһиштә дарә, пештһри бәлга тыштәк нәдит, чьмки һе нә wәхте нежира бу. ¹⁴ һынге әми we дарер'а гот: «Бьра иди т'ө кәс т'ө щар бәре тә нәхwә». Шагьртед wi әв готһн бьһистһн.

Иса п'арьстгәһе пақьж дыкә

(Мәтта 21:12-17; Лука 19:45-48; Йуһ'әнна 2:13-22)

¹⁵ У әв һатһнә Оршәлиме. Иса к'әтә п'арьстгәһе у дәстпекьр әвед кә п'арьстгәһеда дык'ьр'ин у дыфьротһн дәрхьстһнә дәрва. Т'әхтед сәрафа у к'өрсийед кәвоткфьроша wәлгәр'андһн ¹⁶ у нәһьшт, кә т'ө кәс тыштәки п'арьстгәһер'а дәрбаз кә. ¹⁷ Әв һин кьрһн у гот: «Чьма нә һьвисар ә: «Мала мьн we бона һ'әму мьләта мала дәа бе һ'әсабе»? Ле wә әв кьрийә «шкәфта қачаха»**». ¹⁸ Сәрәкед к'аһина у қанунзана әв йәк бьһистһн, дәстпекьрһн дыкьрһн кә wi бькьнә фәсале бькөжһн. Әвана жь wi дытһрсийан, чьмки т'әмамия ә'лаләте сәр һинкьрһна wi зәндәгьрти мабу. ¹⁹ Гава кә р'о чу ава, әв жь бажер дәрк'әтһн.

* 11:17 Ишайа 56:7.

** 11:17 Йерәмийа 7:11.

Дәрса дара һежире

(Мәтта 21:20-22)

²⁰ Сәре сьбәһе, гава әвана бәр дарер'а дәрбаз бун, дитын кө әв дара һежире р'аве хвәва һ'ышк буйә. ²¹ К'әтә бира Пәтрус у әви Исар'а гот: «Дәрсдар, дина хвә бьде, әв дара һежирейә кө тә ньфьр' ле кьр һ'ышк буйә». ²² Иса ванр'а гот: «Бавәрийа вә бьра сәр Хвәде һәбә. ²³ Әз р'аст вәр'а дьбежьм, к'и кө ви ч'ийайир'а бежә: «Р'абә хвә бавежә бәре» у дөдьли нәбә, ле бавәр бькә кө готьна ви ве бьқәшьмә, өса жи ве бьбә. ²⁴ Бона ве йәке эз вәр'а дьбежьм, хун чь кө нава дөада бьхвазьн, бавәр бькьн кө вә иди стандийә у хвәстьна вә ве бе сери. ²⁵ У гава кө хун дьсәкьньн у дөа дькьн, бьбахшиньн, һәгәр тыштәки вә һьндава кәсәкида һәбә, вәки Баве вәйи әзмана жи нәһәқийед вә бьбахшинә вә. ²⁶ * Ле һәгәр хун нәбахшиньн, Баве вәйи әзмана жи нәһәқийед вә набахшинә вә».

Пьрса дәрһәқа һ'өкөме Исада

(Мәтта 21:23-27; Лука 20:1-8)

²⁷ У әв диса һатьнә Оршәлиме. Дәма кө Иса п'арьстгәһеда дьгәр'ийа, сәрәкед к'аһина, қанунзан у р'успи һатьнә щәм ви ²⁸ у же пьрсин: «Тө бь чь һ'өкөми ван кьра дьки? К'е әв һ'өкөм дайә тә, кө тө ван кьра бьки?» ²⁹ Иса ванр'а гот: «Әзе жи тыштәки жь вә бьпьрсьм. һәгәр вә шаба мьн да, әзе жи вәр'а бежьм, кө эз бь чь һ'өкөми ван кьра дькьм: ³⁰ һ'өкөме ньхөмандьна Йуһ'әнна жь әзмен бу йан жь мәрьва? Щаба мьн бьдьн!»

* 11:26 Нав дәстньвисаред қәнщда р'еза 26-а т'өнә.

³¹ Эвана нав һәвда шевърин у готын: «Һәгәр әм бежын: «Жь ә'змен бу», әве бежә: «Ле вә чьма бавәрийа хвә ши нәани?» ³² Ле һәгәр әм бежын: «Жь мәрва бу?...» Эв жь ә'лаләте дьтърсийан, чьмки һ'әмуйа қәбул кьрьбу кө Йуһ'әнна р'аст п'ехәмбәр бу. ³³ Щаба Иса дан у готын: «Әм нъзаньн». Иса ванр'а гот: «Әз жи вәр'а набежъм кө әз бь чь һ'өкөми ван кьра дькьм».

Мәсәла р'әзе^Ф тьрийа у р'әзвана

(Мәтта 21:33-46; Лука 20:9-19)

12 ¹ У бь мәсәла дәст бь хәбәрдане кьр, ванр'а гот: «Мәрвәки р'әзе^Ф тьрийа дани, дора we сур кьр, һ'әвзәки тьриһ'ынщър'андьне теда к'ола, һеланәкә нобәдара чекьр у әв бь к'ьре да р'әзвана, чу вәлатәки дьн. ² Вәхтда хөламәк шандә щәм р'әзвана, вәки жь ши р'әзи бәре п'ара хвә бьстинә. ³ Ле вана әв гьрт, к'өтан у дәствала вәр'екьрын. ⁴ У ши диса хөламәки дьн шандә щәм ван, ле вана сәри ле шкенанд у әв р'обәт кьрын. ⁵ Әви йәки дьн шанд, вана әв жи көшт. Ви гәләкед дьн шандьн, вана һьнәк жь ван к'өтан у һьнәк жи көштьн. ⁶ Бона ви т'әне йәк мабу кө бышанда, көр'е хвәйи дәлал. Хөләсә р'абу әв жи шанд, дьгот: «Һьлбәт we жь көр'е мьн шәрм бькьн». ⁷ Ле р'әзван ль һәв шевърин у готын: «Әв ә вәре ви! Вәрьн әм ви бькөжьн, мират'е^Ф мәр'а бьминә». ⁸ һьнге әв гьртьн көштьн у щьнйазе ви жь р'әз дәрхьстьнә дәр. ⁹ Дә ижар хвәйе р'әз we чь бькә? Нә әве бе қьр'а р'әзвана бинә у р'әз бьдә һьнәкед дьн? ¹⁰ Чьма вә әв нъвисар нәхвәндийә?

«Әв кәвьре кө носта т'әхсир кьр,
әв бу сәре ә'нишке^Ф.

¹¹ Әв йәк жь алийе Хөданда қәвьми

у ль бэр ч'э'ве мө һ'эйр-һ'өжмэк'ар ә!>»
¹² Сәрwerед щьһуйа^ф фә'м кьрын, кө Иса әв мөсәлә ани сәр ван, кьрын кө ви быгьрын, ле жь ә'лаләте тьрсийан, к'әрба әв һьштьн у чун.

Пьрса хәрщдаийн у нәдаийне

(Мәтта 22:15-22; Лука 20:20-26)

¹³ Паше вана һьнәкә жь ферьсийа у пыштгьред һеродәс шандьнә щәм ви, wәки ви бь хәбәрәд дәве ви быгьрын.
¹⁴ Әвана һатьн у жер'а готьн: «Дәрсдар! Әм заньн кө тө йәки р'аст и. Мьнәте жь кәси нагьри, чьмки нав мәрьвада фьрқийе данайни, ле р'ийа Хwәде р'аст һин дьки. Гәло р'аст ә кө әм хәрщ бьдьнә Qәйсәр^ф йан на? Әм бьдьн, йан нәдьн?»
¹⁵ Ле дөр'утийа ван кө Исава ә'йан бу гот: «Чьма һун мьн дыщер'ьбиньн? Мьнр'а зивәки биньн кө әз бьбиньм». ¹⁶ Вана жер'а зивәк ани. Әви жь ван пьрси: «Әв ньвисар у сьфәт^ф йед к'е нә?» Вана гот: «Йед Qәйсәр ьн». ¹⁷ Иса ванр'а гот: «Wәки өса йә, чь кө йед Qәйсәр ьн бьдьнә Qәйсәр у чь кө йед Хwәде нә бьдьнә Хwәде». У сәр ви ә'щәбмайи ман.

Пьрса р'абуна мьрийа

(Мәтта 22:23-33; Лука 20:27-40)

¹⁸ һьнәк садуқийед^ф кө дьготьн мьри р'анабьн, һатьнә щәм Иса у же пьрсин: ¹⁹ «Дәрсдар! Муса мәр'а ньвисийә: <Һәгәр бьре йәки безөр'әт бьмьрә у жьне стухар бьһелә, бьра бьре ви жьна ви бьстинә у wәре бьре хwә шин кә». ²⁰ Аwa һ'әфт бьра һәбун. Бьре мәзын жьнәк станд, безөр'әт мьр. ²¹ Бьч'уке ви әв жьн станд, әв жи безөр'әт мьр, өса

* 12:11 Зәбур 118:22-23.

жи һатә сәре йе сьсийа. ²² Хөләсә ван һәр һ'әфт бьра жи әw жьн станд у безөр'әт мьрн, пәй ванр'а жи әw жьн мьр. ²³ Дә ижар we Р'ожа^ф Р'абуне, гава мьри р'абьн, әва жьна we к'ижан бьрайир'а бьк'әвә? Чьмки һәр һ'әфта жи әва стандьбу».

²⁴ Иса ль ван вәгәр'анд у гот: «Нә һун жь дәст ве йәке хальфи нә, кә нә ньвисара заньн, нә жи қәwата Хwәде? ²⁵ Гава йед мьри жь мьрьне р'абьн, we нә бьзәwьщьн у нә жи мер кьн, чьмки әwe мина мьльйак'әтед ә'змана бьн. ²⁶ Ле дәрһәқа р'абуна мьрийада, чьма wә К'ьтеба Мусада* нәхwәндийә сәрһатийа дара дьр'ийеда кә чава Хwәде Мусар'а дьбежә: «Әз Хwәдейе Бьраһим^ф, Хwәдейе Ишаq^ф у Хwәдейе Аqуб^ф ьм»**? ²⁷ Әw нә Хwәдейе мьрийа йә, ле Хwәдейе зендийа йә. Р'асти жи һун лап хальфи нә!»

Т'әмийа сәр т'әмийар'а

(Матта 22:34-40; Лука 10:25-28)

²⁸ Қанунзанәки кә шәр'-дә'we ван бьһист у дина хwә жи дайе, кә Иса чава қәнщ щаба ван да, незики Иса бу у же пьрси: «К'ижан т'әми сәр һ'әму т'әмийар'а йә?» ²⁹ Иса ле вәгәр'анд: «Әв ә т'әмийа сәр т'әмийар'а: «Бьбьһе, Израел! Хөдан Хwәдейе мә Хөданәк ә». ³⁰ Хөдан Хwәдейе хwә һ'ьз бькә, бь т'әмамийа дьле^ф хwә, бь т'әмамийа щанийа хwә, бь т'әмамийа һ'ьше хwә у бь т'әмамийа қәwата хwә». ³¹ Йа

* 12:26 «К'ьтеба Муса» те фә'мкьрьне: «Һәр пенщ к'ьтебед пешьнә Пәймана^ф Кәвьн».

** 12:26 Дәрк'әтьн 3:6.

* 12:29 Аһа жи те фә'мкьрьне: «Хөдан Хwәдейе мә, т'әне әw ә Хөдан».

* 12:30 Қануна Дөщари 6:4-5.

дөда жи эв э: «Һәвалә хвә вәкә хвә һ'ыз бькә*». Жь ван мәстър т'ө т'әми т'өнә». ³² Ижар қанунзан бир'а гот: «Р'аст э, Дәрсдар! Тә р'аст гот, кө Хөдан йәк э у жь ви пештър йәки майин т'өнә. ³³ У бь т'әмамийа дьл, бь т'әмамийа ақьл, бь т'әмамийа қәватә Хвәде һ'ызкърьн у һәвалә хвә жи вәкә хвә һ'ызкърьн сәр һәр қөрбанед^Ф шәвьтандьне у қөрбанед майинр'а йә». ³⁴ Иса дина хвә дайе, кө ви бь ақьли шаба хвә да, жер'а гот: «Тө жь П'адшатийа Хвәде нә дур и». Пәй ве йәкер'а, иди т'ө кәси нәверьбу тыштәк жь ви бьпърсийа.

Мәсиһ көр'е к'е йә?

(Мәтта 22:41-46; Луқа 20:41-44)

³⁵ Гава кө Иса п'арьстгәһеда һин дькър, гот: «Қанунзан чава дьбежьн кө Мәсиһ көр'е Давьд э? ³⁶ Нә Давьд хвәха пе Р'өһ'е Пироз дьбежә?

«Хөдан готә Хөдане мьн:

Ль мьле мьни р'асте р'уне,

Һ'әта кө эз дьжмьнед тә бькьмә бьне п'ийед тә*».

³⁷ Ава Давьд хвәха кө ви Хөдан һ'әсаб дькә, иди әв чава дьбә көр'е Давьд?»

Қанунзанед дөр'у

(Мәтта 23:1-36; Луқа 20:45-47)

Ве ә'лаләта гьран бь дьл у эшқ гөһдарийа Иса дькър. ³⁸ һинкърьна хвәда әви дьгот: «Һ'әвза хвә жь ван қанунзана бькьн, йед кө һ'ыз дькьн бь чөхед дьреж бьгәр'ьн, базарада сьлаве бьдьнә ван, ³⁹ к'ьништада

* 12:31 Қануна К'аһинтийе 19:18.

* 12:36 Зәбур 110:1.

к'өрсийед пешьн быгърын у шайийада жи һәрәма^Ф жорьн р'уенен. ⁴⁰ Эвана аликива малед жьнэбийа һ'уфи хwэ дькьн, алийе дьнва жи бь дөр'ути дөайе хwэ дьреж дькьн. Диwana wане һе гьран бә».

Дийарийа жьнэбийа бэлэнгаз

(Луқа 21:1-4)

⁴¹ Иса ль пешбәри п'әрәданга^Ф п'арьстгәһе р'унышт у дина хwэ даје, кә э'лаләте чава п'әрә давитьнә п'әрәданге. Гәләк дәвләтийа гәләк авитьне. ⁴² Жьнэбикә бәлэнгаз жи һат у дө пол^Ф, кә дькьрә қөр'ушәк, авите. ⁴³ Иса шагьртед хwэ гази щәм хwэ кьрын у wанр'а гот: «Эз р'аст wәр'а дьбежьм, кә әве жьнэбийа бәлэнгаз жь ван һ'әмуйа зә'фтьр авитә п'әрәданге, ⁴⁴ Ван һ'әмуйа жь зедәйа һәбука хwэ авитьне. Ле әве ве бәлэнгазийа хwәда чи we һәбу кә пе ә'буре хwә бькьра һ'әму авите».

Иса пешда дәрһәқа wеранбуна п'арьстгәһеда дьбежә

(Мәтта 24:1-2; Луқа 21:5-6)

13 ¹ Гава Иса жь п'арьстгәһе дәрк'әт, жь шагьртед wi йәки wir'а гот: «Дәрсдар! һәла дина хwә бьде әв чь кәвьр ьн у чь авайи нә!» ² Иса ль wi вәгәр'анд у готе: «Тө ван авайийед мәзын дьбини? Әв һ'әмује жи wеран бьн, ль вьр кәвьре ль сәр кәвьр нәминә!»

Тәнгаси у зерандьн

(Мәтта 24:3-14; Луқа 21:7-19)

³ Гава Иса ль ч'ийәје Зәйт'уне, ль пешбәри п'арьстгәһе р'унышьтбу, Пәтрус, Ақуб, Йуһ'әнна у Әндрауьс башқә же пьрсин: ⁴ «Бежә мә, әw тышт we к'әнге бьқәwьмьн? У бәри қәwьмандьна wан һ'әмуйа, чь нишане бьбьн?»

⁵ Һынге Иса шаба ван да у гот: «Һаш жь хвә һэбьн, кӧ т'ӧ кәс вә нәхапинә. ⁶ Гәләк we пе наве мьн бен у бежьн: «Эз ым Мәсиһ» у we гәләка бьхальфиньн. ⁷ Гава һун дәнге шәр'а у бә'са шәр'а бьбьһен, һун хвә ӧнда нәкьн. Гәрәке әв тышт бьқәвьмьн, ле әв һе нә ахьри йә. ⁸ Мьләте р'абә сәр мьләт, п'адшатиye р'абә сәр п'адшатиye, щи-щийа we ә'рдһ'әж у хәлайи-щәлайе бьбьн. Ле әв һ'әму мина еша к'ӧлфәте йә, кӧ дәстпедькә пе дьгьрә.

⁹ Һаш жь хвә һэбьн! We вә бьбьнә бәр диwana у к'ьништада we вә бьк'ӧтьн. Бона мьн we вә бәр вәли^ф у п'адша бьдьнә сәкьнандьне, вәки һун бәр ван шә'дәтийе бьдьн. ¹⁰ Гәрәке пешийе Мьзгини һ'әму мьләтар'а бе дайине. ¹¹ Гава кӧ вә бьгьрьн бьбьнә бәр диwane, пешда хәм нәкьн кӧ һуне чь бежьн. Ле we дәме чь вәр'а бе дайине, we жи бежьн, чьмки нә кӧ һуне хәбәр дьн, ле Р'ӧһ'е Пироз. ¹² Бьра we бьре хвә бьдә кӧштьне у бав кӧр'е хвә. Зар'е р'абьнә сәр де у баве хвә у ван бьдьнә кӧштьне. ¹³ У бона наве мьн һуне бәр ч'әве һ'әмуя р'әш бьн. Ле әве кӧ һ'әта хьлазийе тәйах кә, әве хьлаз бә.

Һ'әраммийа Веранкьрьне

(Мәтта 24:15-21; Луқа 21:20-24)

¹⁴ Чахе һун we Һ'әраммийа Веранкьрьне* бьбиньн, ль ви щийе нәщайиз сәкьни», (әве кӧ дьхунә бьра фә'м бькә) «һынге әвед кӧ Щьһустанеда нә бьра бьр'әвьнә ч'ийа. ¹⁵ У әве кӧ сәр хани йә бьра жорда нәйе хваре у нәк'әвә һьндӧр', вәки тыштәки һьлдә. ¹⁶ У әве кӧ к'әвшенда йә бьра вәнәгәр'ә кӧ п'оте хвә һьлдә. ¹⁷ Ле вәй ль һ'әмла у дәстдәргуша ван р'ожада! ¹⁸ Дӧа бькьн

* 13:14 Данийел 9:27; 11:31; 12:11.

кө эв йэк звьвстанеда нәқәшмә. ¹⁹ Чъмки ван р'ожада ве тәнгасикә өса бьбә, вәки жь р'ожа кө Хвәде дьняа ә'фьрандийә һ'әта ньһа нәбуйә у нә жи ве бьбә. ²⁰ Һәгәр Хөдан әв р'ож кьн нәкьрна, т'ө кәс хьлаз нәдбу, ле бона хатьре ван бьжартийед кө ви бьжартьнә, әв р'ож кьн кьрна.

²¹ Һьнге, һәгәр йэк вәр'а бежә: «Мәсиһ ва йә ль вьр ә», йан жи: «Ва йә дәра һан ә», бавәр нәкьн. ²² Чъмки мәсиһ у п'ехәмбәред дәрәв ве дәрән. Ве нишан у к'әрәмәта бькьн, һәгәр дәст ванва бе, ве бьжартийа жи бьхальфиньн. ²³ Ле һун һаш жь хвә һәбьн! Мьн һәр тышт пешда вәр'а гот.

Һатьна Көр'е Инсан

(Мәтта 24:29-31; Лука 21:25-28)

²⁴ Ле ван р'ожада, пәй ве тәнгасийер'а,
 «р'уйе р'оие ве бе гьртьне
 у һиве р'онайа хвә нәдә,
²⁵ стәйрке жь ә'змен бьк'эвьн,
 у т'опед ә'змана ве жь р'ийед хвә дәрән*».**

²⁶ У һьнге ве бьбиньн, Көр'е Инсан бь қәватата мэзын у р'умәт ә'врава те. ²⁷ Ви чахи әве мьльйак'әтед хвә бьшинә у бьжартийед хвә жь һәр чар қөлба бәрәв кә, жь п'әр'ед әрде гьрти һ'әта п'әр'ед ә'змен.

* 13:25 Аһа жи те фә'мкьрне: «Қәватед ә'змана ве бьһ'эжьн».

** 13:25 Ишайа 13:10; 34:4.

Дәрса дара һежире

(Мәтта 24:32-35; Лука 21:29-33)

²⁸ Жь дара һежире дәрсәке һин бьн: Чахе кө ч'ьрәлед we тәр' дьбьн у бәлгед we дьбьшкьвьн, иди һун заньн кө һавин незик ә. ²⁹ Өса жи гава һун бьбиньн кө әв йәк дьрәвьмьн, бьзаньбьн кө әв незик ә, ль бәр шемике йә. ³⁰ Әз р'аст вәр'а дьбежьм, әва ньсыла дәрбаз набә, һ'әта кө әв һ'әму тышт нәдәвьмьн. ³¹ Ә'рд у ә'змане дәрбаз бьн, ле готьнед мьн т'ө щар дәрбаз набьн.

Р'ож у сьһ'әт нә ә'йан ә

(Мәтта 24:36-44)

³² Ле бона we р'оже у we сьһ'әте т'ө кәс ньзанә, нә мьлйак'әтед ә'змен у нә жи Көр', ле т'әне Бав. ³³ һаш жь хвә һәбьн! һ'ьшйар бьминьн!* Чьмки һун ньзаньн к'әнге вәхте пер'а бьгьһижә. ³⁴ Әв йәк мина мәрвәки йә, кө мала хвә дьһелә у дәрдьк'әвә р'ешитийе. Бәри чуйине т'әмийа мала хвә дьдә хөламед хвә, шьхөле ван һәр кәси дьде у ә'мьри сәр дәргәһван дькә, кө һ'ьшйар бьминә. ³⁵ Бона ве йәке һ'ьшйар бьминьн, чьмки һун ньзаньн малхе мале we к'әнге бе, еваре йан ниве шәве, йан вәхте бангдана дика, йан сәре сьбәһе. ³⁶ Нәбә кө ньшкева әв бе у вә хәведа бьгьрә. ³⁷ У әз чь вәр'а дьбежьм, һ'әмуяр'а дьбежьм: һ'ьшйар бьминьн!»

* 13:33 Нав дәстньвисаред һьнәкада әв жи һәйә: «У дөа бькьн».

Гьртън, хачкърън^Ф у р'абуна Иса

Шевъра кӧштъна Иса

(Матта 26:1-5; Луца 22:1-2; Йух'анна 11:45-53)

14 ¹ Ава дӧ р'ож шунда we Щэжьна^Ф Дэрбазбуне у Щэжьна^Ф Нане Шкэва бьбуйа. Сэрэкед к'аина у қанунзана мэщалэке дьгэр'ийан, кӧ чава Иса дьзива бь фелбазийе бьгьрън, бькӧжьн ² у дьготън: «Бъра эв йэк щэжьнеда нибэ, wэки щьмэ'т р'анэбэ сэр ньга».

Иса Бэйтанийаеда те р'ункъръне^Ф

(Матта 26:6-13; Йух'анна 12:1-8)

³ Гава Иса ль Бэйтанийае мала Шьмн'уне к'отида, ль сэр сьфре р'уньшти бу, к'ӧлфэтэк hat, дэрданэк^Ф weйэ алабастьрейи р'уне нардейи^Ф сафи у гэлэки бьна һэбу. We эw шушэ шкенанд у эw р'ун р'етэ сэр сэре Иса.

⁴ Ђнэкэ wър herc к'этън у һэвр'а дьготън: «h'эйфа ви р'уни! Чьма эва зийана бу? ⁵ Мэ дькаръбу эв р'уна сесъд зиви зедэтър бьфьрота у бэлайи фэқира кьра». Бь ви авайи эw к'ӧлфэта р'эзил кьрън.

⁶ Ле Иса гот: «Жь we к'ӧлфэте вэгэр'ън! Чьма һун хатьре we дьк'эвън? Эwe тыштэки қэнц бона мьн кьр. ⁷ Фэқире һэр гав т'эви wэ бьн. К'энге һун бьхwазьн, һун дькарън қэнщийе wanp'а бькьн. Ле эзе һэр гав нав wэда нибьм. ⁸ Чь жь дэсте we дьһат эwe кьр. Эwe пешда бэдэна мьн дэфьнкърънер'а^Ф р'ун^Ф кьр. ⁹ Эз р'аст wэр'а дьбежьм, дьнийаеда к'идэре эва Мьзгинийа бе даннасинкъръне, we кьрна ve к'ӧлфэте жи бона биранина we бе готъне».

Щьһуда нэмамийа^Ф Иса дькэ*(Матта 26:14-16; Луца 22:3-6)*

¹⁰ Ђнге Щьһудайе Исхэрийоти, йэки жь һэр донздэһа, чу щэм сэрэкед к'аһина, вэки Иса бьдэ дэсте ван. ¹¹ Ван жи гава эв йэк бьһист, ша бун у п'эрэ wir'a соз дан. У Щьһуда жь һнгева мэщалэке дьгэр'ийа кё чава Иса бьдэ дэсте ван.

Иса т'эви шагьрта шива Щэжьна Дэрбазбуне дьхвэ*(Матта 26:17-25; Луца 22:7-14, 21-23; Йух'анна 13:21-30)*

¹² Р'ожа пешьнэ Щэжьна Нане Шкэвада кё бэрха қорбана Щэжьна Дэрбазбуне дьһатэ сэржекьрьне, шагьрта жь Иса пьрси: «Тё ль к'ё дьхвази Шива Щэжьна Дэрбазбуне бьхви, вэки эм һэр'ьн тэр'а һазьр кьн?»

¹³ Иса дё шагьртед хвэ шандьн у ванр'а гот: «Һэр'ьнэ бажер. Мэрьвэке р'асти вэ бе, щер'е аве ль сэр мьла. Пэй ви һэр'ьнэ we мала кё эв дьче ¹⁴ у бежьнэ хвэйе мале: <Дэрсдар дьбежэ: К'ане эв ода мевана, йа кё эзе теда т'эви шагьртед хвэ шива Щэжьна Дэрбазбуне бьхвьм?»

¹⁵ Ђнге эве ль қате жорьн одэкэ мэзьнэ һэвдаи у һазьр нишани вэ кэ, ль we дэре шиве бона мэ һазьр кьн». ¹⁶ Шагьрта да сэр р'е чунэ бажер у чава кё ванар'а готьбу өса жи дитьн у шива Щэжьна Дэрбазбуне һазьр кьрьн.

¹⁷ Гава р'о чу ава, Иса т'эви һэр донздэһа чу we дэре.

¹⁸ Чахе ль сэр сьфре р'уньштьн у нане хвэ дьхварьн, Иса гот: «Эз р'аст вэр'а дьбежьм, йэки жь вэ we нэмамийа^Ф мьн бькэ, йе кё т'эви мьн нен дьхвэ». ¹⁹ Эв бэр хвэ к'этьн у дэстпекьрьн йэк-йэк жь ви пьрсин: «Дьбэ кё эз ьм?»

²⁰ Эви ванр'а гот: «Эв йэк нава вэ һэр донздэһада йэ, йе

кө пәрийе хвә т'эви мьн т'аседа дькә. ²¹ Р'аст Көр'е Инсан ве öса һәр'ә чава кө бона ви һатийә нъвисаре. Ле вәй ль ви мәр'ве кө нәмамия Көр'е Инсан бькә! Вир'а һе қәнщ бу кө әв қәт дьне нәк'әта».

Шива Хөдан

(Мәтта 26:26-30; Луқа 22:14-23; 1 Корьнт'и 11:23-25)

²² Гава вана һе нан дьхвар, Иса нан һьлда шькьри да, кәркьр да шагьрта у гот: «Һан һьлдьн! Эва бәдәна мьн ә». ²³ Пәйр'а к'ас һьлда шькьри да у да ван. Һ'әмуйа жи жь ве вәхвар. ²⁴ У ванр'а гот: «Эва хуна мьн ә бона пәймана^Ф ну*, кө бона гәләка те р'етьне. ²⁵ Эз р'аст вәр'а дьбежьм, иди эз жь вьр шунда жь бәре ве меве вәнахьм, һ'әта ве р'ожа кө эзе П'адшатийа Хвәдеда жь йа ну вәхьм».

²⁶ Паше вана зәбурәк^Ф стьра, дәрк'әтын чунә ч'ийайе Зәйт'уне.

Иса дәрһәқа инк'арийа Пәтрусда дьбежә

(Мәтта 26:31-35; Луқа 22:31-34; Йуһ'әнна 13:36-38)

²⁷ У Иса ванр'а гот: «Һун һ'әмуйе жи жь мьн п'ьшк бьн һәр'ьн, чьмки нъвисар ә:

«Эзе ль шьвен хьм у пәзе жи бәла-бәлайи бә».

²⁸ Ле гава кө эз жь мьрьне р'абьм, эзе бәри вә һәр'ьмә Щәлиле». ²⁹ Пәтрус жер'а гот: «Һәгәр һ'әму жи жь тә п'ьшк бьн һәр'ьн, ле эз на».

³⁰ Иса вир'а гот: «Эз р'аст тәр'а дьбежьм, һәма ишәв һе бәри кө дик дө щара банг дә, те се щара мьн инк'ар ки».

³¹ Ле Пәтрус сәр йа хвә дьма у дьгот: «Һәгәр щи бе, эзе

* 14:24 Нав дәстньвисаред һәрә қәнщда «ну» т'өнә.

* 14:27 Зәкәрийа 13:7.

т'эви тэ бьмьрм жи, ле т'ө щар тэ инк'ар накъм!» Н'эмуяа жи аһа дьгот.

Иса ль Гетшәманийе дөа дькэ

(*Матта 26:36-46; Лука 22:39-46*)

³² Пэй we йәкер'а әw чунэ wi щийе кӧ жер'а Гетшәмани дьбежын у әwi шагъртед хwәр'а гот: «Вьра р'унен, һ'эта кӧ эз дӧа бькъм». ³³ Wi Пәтрус, Ақуб у Йһ'әнна т'эви хwә бьрын у дәстпекър к'әсәр к'ьшанд у хwәда шәwьти. ³⁴ Wi ванр'а гот: «Дьле мьн һақас дәрду к'әдәр ә, мина бәр мьрне. Вьра бьминьн у һ'ьшйар бьн». ³⁵ һьнәки пешда чу, хwә дәwәр'у авитә әрде у дӧа кър, кӧ һәгәр мәщал һәбә, әва сьһ'эта сәр wir'а дәрбаз бә. ³⁶ У гот: «Абба^Ф, Баво! һәр мәщал жь дәсте тә те. Әве к'әсе жь мьн дур хә. Ле бьра хwәстьна мьн нибә, ле йа тә бә».

³⁷ Паше һатә щәм шагърта, әw р'азайи дитьн у готә Пәтрус: «Шьмһ'ун, тӧ р'азайи? Тә нькарьбу кӧ сьһ'әтәке тӧ һ'ьшйар бьмайи? ³⁸ һ'ьшйар бьминьн у дӧа бькьн, wәки һун нәк'әвьнә нава щер'ьбандьне. Бәле р'ӧһ' р'азии йә, ле бәдән сьст ә».

³⁹ Диса чу дӧа кър, хут әw хәбәр готьн. ⁴⁰ У һат диса әw хәwеда дитьн, чьмки ч'ә'вед ван жь хәwе вәнәдьбун. У ньзаньбун чь шаба wi бьдана. ⁴¹ Щара сьсийа жи һат у ванр'а гот: «Һун һәла һе р'азайи нә у р'ьһ'әт дьбьн? Бәс ә! Wәхт пер'а гьһишт. Ва йә Кӧр'е Инсан дьк'әwә дәсте гӧнәк'ара. ⁴² Р'абьн әм һәр'ьн. Ва йә әwе кӧ нәмамайи мьн дькә незик бу».

Гъртъна Иса*(Матта 26:47-56; Лука 22:47-53; Йух'анна 18:3-12)*

⁴³ Нәма һынге гава ви не хәбәр дьда, Щьһудайе кө йәк жь һәр донздәһа бу, һат. Әви т'әви хвә жь алийе сәрәкед к'аһина, қанунзана у р'успийада ә'лаләтәкә гьран анибу, бь дара у шура. ⁴⁴ Ава нәмаме ви ә'шәрәт дабу ван у готьбу: «Әз к'ижани кө р'амусьм, әв ә, ви быгьрын у бь фәсал бьбьн». ⁴⁵ Нәма һынге жи Щьһуда һатә щәм Иса у гот: «Дәрсдар!»* у р'амуса. ⁴⁶ Вана дәст авитә Иса у әв гьртън. ⁴⁷ Ле йәки жь йед кө т'әви ви сәкьни бун, шуре хвә к'ьшанд ль хөламе сәрәкк'аһин хьст у гөһе ви пәканд. ⁴⁸ Һынге Иса ванр'а гот: «Те бежи вә сәр қачахәкида гьртийә, кө һун бь дара у шура һатьнә мьн быгьрын? ⁴⁹ Нә әз һәр р'ож т'әви вә п'арьстгәһеда бум мьн һун һин дькьрын, ле вә әз нәдьгьртъм. Ле бона кө ньвисар бенә сери, әв йәк қәвьми». ⁵⁰ Һынге һ'әму шагьрта әв һьшт у р'әвин. ⁵¹ Хортәк пәй ви дьчу, п'арч'әки к'ьтане ль бәдәна вийә тә'зи п'еч'айи бу. Ә'лаләте әв гьрт, ⁵² ле ви әв к'ьтан һьшт у р'ут-тә'зи жь дәсте ван р'әви.

Иса ль бәр щьвина^ф гьрәгьра*(Матта 26:57-68; Лука 22:54-55, 63-71; Йух'анна 18:13-14, 19-24)*

⁵³ Иса бьрьнә щәм сәрәкк'аһин. һ'әму сәрәкед к'аһина, р'успи у қанунзан вьр щьвийан. ⁵⁴ Пәтрус дурва п'е-п'е пәй ви чу, һ'әта к'әтә һ'әвша сәрәкк'аһин. Вьр т'әви нобәдара ль бәр егьр р'уньшт у хвә гәрм дькьр. ⁵⁵ Сәрәкед к'аһина у т'әмамийа щьвина^ф гьрәгьра жи ль

* 14:45 Бь йунани хәбәр бь хәбәр аһа йә: «Р'абби». «Р'абби» бь зьмане арами те фә'мкьрьне: «Дәрсдар».

шә'дәтикә мьрабьли Иса дьгәр'ийан, вәки ви бькөжьн, ле нә дьдйтьн. ⁵⁶ Гәләка мьрабьли ви шә'дәтийа дәрәв дьда, ле шә'дәтийа ван һәвдө нәдыгьрт. ⁵⁷ һынге һьнәк р'абун у мьрабьли ви шә'дәтийа дәрәв дан у готьн: ⁵⁸ «Мә бьһист кө ви мәрвьи дьгот: «Әзе ве п'арьстгәһа кө бь дәста һатийә чекьрьне һьлшиньм у се р'ожада п'арьстгәһәкә дьнә бе дәстлек'әтьн чекьм». ⁵⁹ Ле шә'дәтийа ван жи һәвдө нәдыгьрт. ⁶⁰ һынге сәрәкк'аһин р'абу нава ванда сәкьни у жь Иса пьрси: «Бона ван шә'дәтийа кө әвана мьрабьли тә дьдын тө чьма шабәке нади?» ⁶¹ Ле әви дәнге хвә нәкьр у т'ө шаб нәда. Сәрәкк'аһин^ф диса жь ви пьрси у готе: «Тө йи Мәсиһ, Көр'е Йе Пироз?» ⁶² Иса готе: «Әз ьм. У һуне Көр'е Инсан ль к'еләка^ф Йе һәри Зор, ль мьле вийи р'асте р'уньшти у ль сәр ә'wред ә'змен те бьбиньн». ⁶³ һынге сәрәкк'аһин к'ьнщед хвә қәлаштьн у гот: «Иди шә'дә чи мәр'а нә? ⁶⁴ Wә к'ьфьрийе ви бьһист! Wәва чава хөйа дьбә?» H'әмуйа жи әв нәһәқ кьрн готьн, кө әв йе көштьне йә. ⁶⁵ һынге һьнәка дәстпекьр т'уйи ви кьрн, р'уйе ви ньхамтьн, данә бәр к'өлма у жер'а готьн: «Дә п'ехәмбәртийе бькә!» Нобәдара жи әв бьр у данә бәр шәмақа.

Пәтрус Иса инк'ар дькә

(Мәтта 26:69-75; Луқа 22:56-62; Йуһ'әнна 18:15-18, 25-27)

⁶⁶ Гава Пәтрус ль жере һ'әwшеда бу, жь щарийед сәрәкк'аһин йәк һатә вьр. ⁶⁷ Әве кө дит Пәтрус хвә ль бәр егьр гәрм дькә, ль ви ньһер'и у гот: «Тө жи т'әви әви ньсрәти^ф буйи, т'әви Иса». ⁶⁸ Ле әви инк'ар кьр у гот: «Әз ньзаньм у фә'м накьм кө тө чь дьбежи». Әв жь һ'әwше дәрк'әтә сьвдәре, дик банг да. ⁶⁹ Гава кө щарийе әв ль we дәре дит, диса готә йед дор-бәра сәкьни бун:

«Эва жи йэки жь ван э». ⁷⁰ Ле эви диса инк'ар кър. У һнэки шунда, йед кӧ вьр сэкьни бун, диса Пэтруср'а готьн: «Һэбэ-т'ӧнэбэ тӧ жи жь ван и, чьмки тӧ жь Щэлиле йи у хэбэрдана тэ жи тэ дьфьрошэ». ⁷¹ Ле Пэтрус дэст бь ньфьр'а кър, сонд хвар у гот: «Эз ви мэрьви нас накьм, бона к'ижани һун дьбежьн». ⁷² Пер'а-пер'а дик щара дӧда банг да. У Пэтрус эв готьна Иса кӧ вьр'а готьбу ани бира хвэ: «Бэри кӧ дик дӧ щара банг дэ, те се щара мьн инк'ар ки». Ль сэр ве йэке дэстпекър гьрийа.

Иса ль бэр Пилато^Ф

(Матта 27:1-2, 11-14; Лука 23:1-5; Йуһ'анна 18:28-38)

15 ¹ Сэре събӧһе зу сэрэкед к'аһина т'эви р'успийа, қанунзана у т'эмамия щьвина гьрэгьрар'а шешьрин. Иса гьредан у бьрын данэ дэсте Пилато^Ф. ² Пилато жь ви пьрси у гот: «Тӧ йи П'адше щьһуйа?» Эви щаб да у гот: «Тэ бь дэве хвэ гот». ³ Сэрэкед к'аһина гэлэк тыштада авитьнэ ви. ⁴ Пилато диса жь ви пьрси у гот: «Тӧ қэт щабэке нади? Дина хвэ бьде, кӧ чьқаси давежьнэ тэ!» ⁵ Ле Иса иди тӧ щаб нэда ви, һ'эта кӧ Пилато шаш ма.

Диванеда һ'ӧкӧме кӧштьне ль сэр Иса дэрдьхьн

(Матта 27:15-26; Лука 23:13-25; Йуһ'анна 18:39-19:16)

⁶ Ава һэр Щэжьна Дэрбазбунеда э'дэте вэли бу, кӧ гьртики щьмэ'тер'а бэр'дэ, к'ижан кӧ ван бьхвэста. ⁷ Гьртик кэледа һэбу наве ви Барабас, кӧ т'эви р'абэрик'аред һэвалед хвэ сэрһьлданеда мер кӧштьбун.

* 14:70 Нав дэстньвисаред һэрэ қэнщда эв йэк т'ӧнэ: «У хэбэрдана тэ жи тэ дьфьрошэ».

⁸ Ө'лалэт щьвийа у жь вәли хвәст кӧ әв ль анәгори ви әдәте хвә хвәстына ван бькә. ⁹ Пилато жи ванр'а гот: «Һун дьхвазьн вәки әз бона вә П'адше щьһуйа бәр'дьм?» ¹⁰ Әви заньбу кӧ сәрәкед к'аһина жь дәст һ'әвсудийе Иса дабунә дәсте ви. ¹¹ Ле сәрәкед к'аһина һе нав ө'лаләте дан, кӧ бьхвазьн вәки Барабас бона ван бе бәр'дане. ¹² Пилато диса жь ван пьрси у гот: «Ле әз иди әви чава бькьм, йе кӧ һун жер'а П'адше щьһуйа дьбежьн?» ¹³ Вана кьрә қир'ин у готьн: «Ви хач^ф кә!» ¹⁴ Пилато ванр'а гот: «Чьма? Әви чь хьраби кьрийә?» Ле вана һе дькьрә қир'ин: «Ви хач кә!» ¹⁵ Пилато хвәст кӧ ө'лаләт р'ази кьра, Барабас бона ван бәр'да. У Иса да бәр қамчийа у да дәсте ван, вәки бе хачкьрне.

Әскәр қәрфе хвә ль Иса дькьн

(*Мәтта 27:27-30; Йһ'әнна 19:2-3*)

¹⁶ һьнге әскәра әв бьрә һьндӧр'е сәрайе, ава готи һ'әвшә қәсыра вәли у һ'әму р'әфа әскәра ль сәр щьвандьн. ¹⁷ Чӧхәки ширк ле кьрьн у т'ащәк жь стьрийа вәгьрти данә сери. ¹⁸ Дәстпекьрьн сылав дане у готьн: «Хвәш бә П'адше щьһуйа!» ¹⁹ Пе қамиш^ф ль сәре ви дьхьстын, т'уйи ви дькьрьн у ль сәр чока ль бәр ви та дьбун. ²⁰ Ле пәй қәрфкьрнер'а, әв чӧхе ширк же ехьстын, к'ьнщед ви ле кьрьн у бьрнә дәрва кӧ ви хач кьн.

Хачкьрна Иса

(*Мәтта 27:32-44; Луқа 23:26-43; Йһ'әнна 19:17-27*)

²¹ Шьмһ'уне жь Курене, баве Скәндәр у Р'уфо вьрр'а дәрбаз дьбу, кӧ жь к'әвшен дьһат. Әскәра п'ейи сәр ви кьрьн кӧ хаче Иса һьлдә. ²² Иса бьрнә ви щийе кӧ жер'а Голгота дьготьн, кӧ те фә'мкьрне: «Щийе

Қафа». ²³ Шэрава зьмьр^Ф* т'эвкьри дане кӧ вэхвэ, ле ви вэнэхвар. ²⁴ Эв хач кьрын, сэр к'ьнщед ви п'эшк авитын, к'а к'ер'а we чь бьк'эвэ, нава хвэда бэла кьрын. ²⁵ У сьбӧхе сьһ'эт нӧһэ бу, гава эв хач кьрын. ²⁶ Ньвисара нӧһақийа ви аһа ньвисар бу: «П'АДШЕ ЩЬҺУЙА». ²⁷ Т'эви ви дӧ қачах жи хач кьрын, йӧк ль мьле вийи р'асте, йе дьн ль мьле вийи ч'эпе. ²⁸ Бь ви авайи эв ньвисар һатэ сери, йа кӧ дьбежэ: «Эв т'эви зьлмк'ара һатэ һ'эсабе».* ²⁹ У эвед кӧ вьрр'а дьчун-дьһатын, ч'ер'и ви дькьрын, сэре хвэ дьһ'эжандын у дьготьне: «Һейи! Нэ тӧйе п'арьстгӧһ һьлшанда у се р'ожада чекьра, ³⁰ дэ хвэ хьлаз кэ, жь хач вэрэ хваре!» ³¹ Ӧса жи сэрәкед к'аһина т'эви қанунзана нав хвэда қәрфе хвэ ле дькьрын у дьготын: «Хэлқ хьлаз кьр, ле хвэ нькарэ хьлаз кэ! ³² Дэ бьра ньһа Мәсиһ, П'адше Исраеле жь хаче бе хваре, вәки әм бьбиньн у бауәр бькьн». Йед т'эви ви һатьбунэ хачкьрыне жи тӧн ль ви дьхьстын.

Мьрна Иса

(Матта 27:45-56; Лука 23:44-49; Йух'әнна 19:28-30)

³³ Нивро жь сьһ'эта донздӧһа һ'эта сьһ'эта сьсийа, т'эмамийа эрде бу тэри. ³⁴ У сьһ'эта сьсийа Иса бь дӧнгәки бьльнд кьрэ қир'ин у гот: «Елойи, Елойи, лама сабахтани?» кӧ те фӧмкьрыне: «Хвәдейе мьн, Хвәдейе мьн, тэ чьма эз һьштъм?»*

³⁵ Эве кӧ незик сәкьнибун, гава эв хәбәр бьһистын, готын: «Бьньһер'ьн, эв гази Елийас дькә». ³⁶ Жь ван йӧк

* 15:23 һьнге «зьмьр» бэр ешева дьданэ нэхвэш.

* 15:28 Нав дэстньвисаред һэрә қәнщда р'еза 28-а т'ӧнә.

* 15:34 Зәбур 22:1.

бэзи, луфька^ф бэ'ре һылда сьркеда кьр, қамишэкива дани у дьрежи ви кьр, кӧ вэхwэ у гот: «Бьсэкьнън. Эм бьбинън к'а Елйасе бе ви бинэ хваре».

³⁷ Иса бь дэнгэки бьльнд кьрэ қир'ин у р'ӧһ'е хwэ да. ³⁸ Ви чахи п'эр'да п'арьстгәһе жь сери һ'эта бьни қәльши, бу дӧ тиша^ф. ³⁹ Сәрсәде кӧ ль пешбәри Иса сәкьни бу, гава дит кӧ Иса чава кьрә қар'ин* у р'ӧһ'е хwэ да, гот: «Р'асти жи эва мәрьва Кӧр'е Хwәде бу!» ⁴⁰ Ль we дәре к'ӧлфәт жи һәбун, кӧ дурва ль ве йәке дьньһер'ин. Мәрийәма Мәждәлани, Мәрийәма дийа һәр дӧ бьра, Ақубе бьч'ук у Йусес у ӧса жи Сәлома нав ванда бун. ⁴¹ Эвана һынге, гава Иса ль Щәлиле бу, пәй ви дьчун у жер'а хьзмәтк'ари дькьрн. Пештьри ван, гәләк к'ӧлфәтед дьн жи wьр һәбун, кӧ т'әви Иса һатьбунә Оршәлиме.

Дәфьнкьрьна Иса

(*Мәтта 27:57-61; Луқа 23:50-56; Йух'әнна 19:38-42*)

⁴² Эв йәк р'ожа^ф т'ьвдарәккьрьне бу, ава готи р'ожа бәри шәмийе. Бәре еваре ⁴³ Усьве^ф Аримәтйайи һат, әв йәки хwәйиқәдър у әндәме щьвина гьрәгьра бу. Эw хwәха жи ль һивийа П'адшатийа Хwәде бу. Ви тӧрӧш кьр, чу щәм Пилато, щьнйазе Иса же хwәст. ⁴⁴ Пилато бьһист кӧ Иса иди мьрийә, ә'щербмайи ма. Гази сәрсәд^ф кьр у же пьрси: «Р'аст э кӧ әw ӧса зу мьрийә?» ⁴⁵ Гава әw жь сәрсәд ә'сәйи пе һ'әсийа, щьнйаз да Усьв. ⁴⁶ Ви қәдәке к'ьтани к'ьр'и, щьнйаз ани хваре, пе к'әфән^ф кьр, т'ьрбәкеда дани, йа кӧ қәйеда к'олайи бу. Кәвьрәк хол кьрә бәр дәре т'ьрбе. ⁴⁷ Мәрийәма Мәждәлани у Мәрийәма дийа Йусес дитьн кӧ әw ль к'ӧ дәре һатә дәфьнкьрьне.

* 15:39 Нав дәстньвисаред һьнәкада «кьрә қар'ин» т'ӧнә.

Иса жь мьрьне р'адьбэ

(Матта 28:1-8; Лука 24:1-12; Йух'энна 20:1-10)

16¹ Пэй р'ожа шэмийер'а Мэрийэма Мэждэлани, Мэрийэма дийа Ақуб у Сэлома чун бьһарэт^ф к'ьр'ин, wэки һэр'ьн ль щьнйазе Иса дьн. ² Р'ожа һ'эфтийейэ пешьн сәре сьбәһе зу, wәхте р'о дәрк'әт, әw чунә сәр т'ьрбе. ³ Wана һәвр'а дьгот: «К'и we бо́на мә кәвьр жь бәр дәре т'ьрбе хол кә?» ⁴ Чьмки кәвьр гәләки мәзын бу. У гава кө ль жоре ньһер'ин, дина хwә дане, кө кәвьр жь бәр хол кьри йә. ⁵ У чахе чунә һьндөр'е т'ьрбе, дина хwә дане, хортәки чөхе сьпи wәргьрти we ль алийе р'асте р'унышти йә. К'өлфәт гәләк зәндәгьрти ман. ⁶ Әwi ванр'а гот: «Зәндәгьрти нәминын! һун ль wi Исайе Ньсрәте дьгәр'ьн, йе кө һатә хачкьрьне. Әw жь мьрьне р'абуйә! Әw нә ль вьр ә. Ва йә әw щийе кө әw ле данибу. ⁷ Ле ньһа һәр'ьн бежньә шагьртед wi у Пәтрус, кө әwe бәри wә һәр'ә Щәлиле. Ль wьр һуне wi бьбиньн, чава кө әwi wәр'а готийә». ⁸ Әw к'өлфәт жь т'ьрбе дәрк'әтьн р'әвин, чьмки р'ьсәсе әw гьртьбун у дьләрзын. Кәсир'а жи тыштәк нәготьн, чьмки sawe ль wan гьртьбу.

Иса хwә нишани Мэрийэма Мэждэлани дькә

(Матта 28:9-10; Йух'энна 20:11-18)

⁹ Гава Иса р'ожа һ'эфтийейә пешьн сьбәһе зу жь мьрьне р'абу, wi пешийе хwә нишани Мэрийэма Мэждэлани кьр, йа кө һ'әфт щьн же дәрхьстьбу.* ¹⁰ Әwe жи чу әw йәк гиһандә әвед кө т'әви Иса гәр'ийабун, кө шин дькьрьн

* 16:9 Нав дәстньвисаред һьнәкада жь р'еза 9-а һ'әта йа 20-и т'өнәйә.

у дьгърийан. ¹¹ Ле гава вана бьһист кӧ Иса сах э у хвӧ нишани Мӧрйӧме кьрийӧ, бавӧр нӧкьрын.

Иса хвӧ нишани дӧ шагьртед хвӧ дькӧ

(Лука 24:13-35)

¹² Пӧй ван йӧкар'а ӧви хвӧ дьлрӧки дьнда нишани жь ван дӧда кьр, йед кӧ дьчунӧ к'ӧвшен. ¹³ Ӧвана жи чун ӧв хӧбӧр гиһандьнӧ йед майин. Ле готьна ван жи бавӧр нӧкьрын.

Иса хвӧ нишани йанздӧһ шагьрта дькӧ

(Матта 28:16-20; Лука 24:36-49; Йух'ӧнна 20:19-23; К'аред Шандийа 1:6-8)

¹⁴ Пӧй ве йӧкер'а Иса хвӧ нишани йанздӧһа кьр, гава ӧв ль сӧр сьфре р'уньштьбун. Ӧви ль ван һьлат бона нӧбавӧри у сӧрһьшкийа ван, кӧ бавӧрийа хвӧ ван нӧанин, йед кӧ ӧв жь мьрьне р'абуйи дитьбун. ¹⁵ У ванр'а гот: «Һӧр'нӧ һӧр чар қӧлбед дьнйае у Мьзгинийе бьднӧ һӧр қул-бӧндӧйи. ¹⁶ Ӧве кӧ бавӧр бькӧ у бе ньхӧмандьне ве хьлаз бӧ, ле ӧве кӧ бавӧр нӧкӧ диwana ви ве бьбӧ. ¹⁷ Ӧве кӧ бавӧр дькьн, ӧв нишане ванр'а дийар бьн: Бь наве мьн ве щьна дӧрхьн, бь зьманед ну ве хӧбӧр дьн, ¹⁸ ве мӧра бь дӧсте хвӧ бьгьрын у һӧгӧр ӧв тыштӧки жӧр жи вӧхьн, т'ӧ зьраре ль ван нӧбӧ. Ӧве дӧстед хвӧ дайньнӧ сӧр нӧхвӧша у нӧхвӧше қӧнщ бьн».

Жорһьлатьна Иса

(Лука 24:50-53; К'аред Шандийа 1:9-11)

¹⁹ Ава Хӧдан Иса пӧй ве хӧбӧрдана т'ӧви ванр'а һьлкьшийа ӧзмен у ль мьле Хвӧдейи р'асте р'уньшт. ²⁰ Шагьрт жи чун, ль һӧр щийи даннасин кьрын. Хӧдан

МАРҶОС 16:20

пышоване ван бу у б̄ ван нишана хэбэра хвэ дьда
избаткьрне, к'ижанед к̄ б̄ дэсте ван дьбун.